

नमो नमो निम्बाल देशपरस

आगमसुत्ताणि



१०

पण्हावागरणं

दसमं अंगसुतं

संसोहय-संपायग

निपुण निर्यामिड पू. मुनिराज श्री सुधर्म सागरज्जु म. ना शिष्य

मुनि दीपरत्नसागर

जाल जलन्वारी श्री नेमिनाथाय नमः
 नमो नमो निम्नल दंतपस्त
 श्री आनंद-क्षमा-खदित-सुशील-सुधर्मसागरगुरुभ्यो नमः

४५-आगमसुत्ताणि

—: सं सो ह य—सं पा य ग :—
 पूज्य भुनिराज श्री सुधर्मसागराज महाराज साडेभन्ना सिध्द
 मुनि दीपरत्नसागर

ता. २२/७/९९

सोमवार २०५२

अथाङ सुट : ५

४५ आगमना सेटनी किंमत - रु. १५००/-
 (भावि आगम-कार्य भाते)

आगम श्रुत प्रकाशन

मुद्रक

नवमभात प्रिन्टींग प्रेस धीकांतरोड, अमदावाड.

कम्पोज

श्री ग्राफिक्स २१, सुभाषनगर, गिरधरनगर,
 शाहीबाग, अमदावाड.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

નિવૃત્તભાષી કમ્પોઝિટીવર્ક શ્રી સૌમ્યગુણાશ્રીજીની પ્રેરણાથી

૪૫ મુખ્ય દ્રવ્ય સહાયકો

શ્રીમતી નયનાબેન રમેશચંદ્ર શાહ - સપ્તવિહાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ.ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિત્તાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી ખેરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોટીપોળ, શ્રે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છ. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબીવાળા, તથા સ્વ. જસુદબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ હેટ-ધોળા ગ્રાહક - દાતા ●

૫. પૂ. સા. સૌમ્યગુણાશ્રી મ. ના ઉપદેશ તથા તેમના સંસ્કારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જયાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુષીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ચુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. ચહેતા, યાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નપનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ ધુલિયાવાળા

- | | |
|------------------------------|-------------------------------|
| ૧ ક્રાંતિલાલ હનરીલાલ ચોવટીયા | ૨ સંવદી રતનલાલ ભગવાનદાસ રાઠોડ |
| ૩ મધુપતી રાજેશ રેદાસની | ૪ સરલાબેન રમેશચંદ્ર વોરા |

૫ સુખનબાઈ બાલચંદજી ચોરડીયા

- ૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ ચન્નપુરાવાળા તરફથી
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (જામવંચલી) નંદુરબાર
૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર
૩ સા. રામજ્ઞાશ્રીજીની પ્રેરણાથી શ્રી અજિતનાય - મંદિર ચે. મૂર્તિ સંઘના શ્રાવિકાબહેનો નંદુરબાર
૪ સા. સમજ્ઞાશ્રીજીની પ્રેરણાથી - શાહ મુનિલાલજી શિવલાલજી, સોનગીર
૫ સુખડીયા ચન્નભુજ જગમોહનદાસ હ. વીરાભાઈ - ધોરાજી
૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ
૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ
૮ સા. શ્રી સૌમ્યગુણાશ્રીજીની પ્રેરણાથી શ્રીમતી જાસુદેબેન લક્ષ્મીચંદ મેતા, હ. ઉન્ડુભાઈ ધામાજી, સુરત
૯ સા. શ્રી મોક્ષરત્નાશ્રીજીની પ્રેરણાથી સ્વ. શોમચંદ બોથાભાઈ પરિવાર હ. બાલુબેન, રામપુરા
૧૦ પૂ. આગમોદ્ધારકશ્રીના સમુદાયના દીર્ઘસંપત્તિ વિદુષી સા. શ્રી સુતારાશ્રીજી જામનગરવાળાના ઉપદેશથી તથા તેમના પદશિષ્યાની પુનિત પ્રેરણાથી
૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ જામગઢેટ યોજના-જામદક્તા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા
૩. સા. શ્રી સમજ્ઞાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા
૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા
૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર
૬. માણેકબેન શાહ- વડોદરા
૭. શોભનાબેન શાહ - વડોદરા

:- ગં થા ણુ ક્ક મ :-

ક્રમક્રો	અન્દ્યયણ	સુતં	ચાદા	અગુક્રમ	પિટ્કો
:- સુ-ય-કૃષ્-ધો-૧ :-					
૧	પદમં અન્દ્યયણં-પદમં આસવદારં	૧-૪	૧-૩	૧-૮	૨-૭
૨	વીઅં અન્દ્યયણં-વીઅં આસવદારં	૫-૮	-	૯-૧૨	૭-૧૦
૩	તદ્અં અન્દ્યયણં-તદ્અં આસવદારં	૯-૧૨	-	૧૩-૧૬	૧૦-૧૪
૪	ચઠત્થં અન્દ્યયણં-ચઠત્થં આસવદારં	૧૩-૧૬	-	૧૭-૨૦	૧૪-૧૯
૫	પંચમં અન્દ્યયણં-પંચમં આસવદારં	૧૭-૨૦	૪-૮	૨૧-૨૯	૧૯-૨૦
:- સુ-ય-કૃષ્-ધો-૨ :-					
૧	છટ્ઠં અન્દ્યયણં-પદમં સંવરદારં	૨૧-૨૩	૯-૧૧	૩૦-૩૫	૨૦-૨૩
૨	સત્તમં અન્દ્યયણં-વીયં સંવરદારં	૨૪-૨૫	-	૩૬-૩૭	૨૩-૨૫
૩	અદ્દમં અન્દ્યયણં-તદ્દયં સંવરદારં	૨૬-	-	૩૮-	૨૫-૨૬
૪	નવમં અન્દ્યયણં-ચઠત્થં સંવરદારં	૨૭-	૧૨-૧૪	૩૯-૪૩	૨૬-૨૮
૫	દસમં અન્દ્યયણં-પંચમં સંવરદારં	૨૮-૩૦	-	૪૪-૪૭	૨૮-૩૨

પરિસિટ્ઠ-નિદંસણં

ક્રમ	પરિસિટ્ઠં	પિટ્ઠકો
૧	વિસયાગુક્રમો	૮
૨	વિસિટ્ઠસદ્ધગુક્રમો	૮
૩	વિસેસ નાયાગુક્રમો	૮
૪	ગાદાગુક્રમો	૮
૫	સુતાગુક્રમો	૮

સુચના પત્ર

૧. આગમ સૂત્રોમાં ૩૫૫ બાબુએ છપાપેલ પ્રથમ-અંક, સૂત્ર તથા ગાથાનો સંયુક્ત સર્લગ ક્રમાંક સૂચવે છે. [અગુક્રમ]
૨. છેડે જખસી બાબુએ દર્શાવેલ હિન્દી ક્રમાંકન આગમવંજુષામાં છપાપેલ સૂત્રાંક અને ગાથાંક સૂચવે છે. [કપ]
૩. સૂત્રને જણાવવા માટે અહીં ઉભા લીટા । । ની વચ્ચે આગમવંજુષાનો સૂત્રાંક મુકેલો છે. [સુત્રકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમવંજુષા નો ગાથાંક મુકેલો છે. [ગાથકો]
૫. છેડે જખસી બાબુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે, અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યાયનાદી નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પાડી R આવે ત્યાં આ સૂત્રાંક કે ગાથાંક વૃત્તિમાં બીજા વખત આવેલો જાસવો. - હોયવો.
૭. જ્યાં સૂત્રોમાં [] આ રીતે ચોરસ કૌંસ મુકેલો છે તે બે ચોરસ કૌંસ વચ્ચેનું લખાણ જાવ વાચા પાઠોની કરેલ પૂર્તિ દર્શાવે છે.

नमो नमो निम्बल दंसणस्स
पंचम गणधर श्री सुयमां स्वाभिने नमः

१० पण्हावागरणं

दसमं अंगसुत्तं

५ पढमं सुयक्खंधं ५

--: पढमं अञ्जयणं--पढमं आसवदारं :--

(१) जंबू तेषं कालेणं तेषं समएणं चंपा नामं नयरी होत्या पुण्णभदे चेइए वणसंडे असोगवरपायवे पुढविसिलापट्टए तत्थण चंपाए नयरीए कौणिए नामं राया होत्या धारिणी देवी तेषं कालेणं तेषं समएणं समणस्स भगवओ महावीरस्स अंतेवासी अञ्जसुहम्मे नामं धेरे-जाइसंपत्रे कुलसंपत्रे बलसंपत्रे रूवसंपत्रे विनयसंपत्रे नाणसंपत्रे दंसणसंपत्रे चरित्तसंपत्रे लज्जासंपत्रे लाधयसंपत्रे ओयसी तेयंसी वच्चंसी जसंसी जियकोहे जियमाणे जियमाए जियलोभे जियनिदे जिइंदिए जियपरीसहे जिवियास-मरण-मय-विप्पमुक्के तवप्पहाणे गुणप्पहाणे कारणप्पहाणे चरणप्पहाणे निच्छयप्पहाणे अञ्जवप्पहाणे महवप्पहाणे लाधवप्पहाणे खंतिप्पहाणे गुत्तिप्पहाणे मुत्तिप्पहाणे मंतप्पहाणे बंमप्पहाणे वेयप्पहाणे नयप्पहाणे नियमप्पहाणे सच्चप्पहाणे सोयप्पहाणे नाणप्पहाणे दंसणप्पहाणे चरित्तप्पहाणे चोइसपुव्वी चउनाणोवगए पंचहिं अणगारसएहिं सद्धिं संपरिवुडे पुव्वाणुपुव्विं चरमाणे गामाणुगामं दूइज्जमाणे जेणव चंपा नगरी तेणेव उवागच्छइ जाव अहापडिरूवं उग्गहं उग्गिण्हिता संजमेणं तवसा अप्पाणं भावेमाणे विहरति परिसा निग्गया धम्मो कहिओ जामेव दिसिं पाउठ्ठूया तामेव दिसिं पडिगया तेषं कालेणं तेषं समएणं अञ्जसुहम्मस्स धेरस्स अंतेवासी अञ्जजंबू नामं अणगारे कासव गौत्तेणं सत्तुस्सेहे जाव संखित्तिविपुलतेयलेस्से अञ्जसुहम्मस्स धेरस्स अदूरसामंते उड्ढंजाणू जाव संजमेणं तवसा अप्पाणं भावेमाणे विहरइ तए णं अञ्जजंबू जायसइडे जायसंसए जायकोउहल्ले उप्पणसइडे संजायसइडे समुप्पत्रसइडे उट्टाए उट्टेइ उट्टेत्ता जेणेव अञ्जसुहम्मे धेरे तेणेव उवागच्छइ उवागच्छित्ता अञ्जसुहम्मं धेर तिक्खुत्तो आयाहिण-पयाहिणं करेइ करेत्ता वंदइ नमंसइ वंदित्ता नमंसित्ता नच्चासत्रे नाइदूरे विणएणं पंजलिपुडे पञ्जुवासमाणे एवं वयासी-जइ णं भंते समणेणं भगवया महावीरेणं जाव संपत्तेणं नवमस्स अंगस्स अनुत्तरोववाइयदसाणं अयमट्टे पत्रत्ते दसमस्स णं अंगस्स पण्हावागरणाणं समणेणं जाव संपत्तेणं के अट्टे पत्रत्ते जंबू दसमस्स अंगस्स समणेणं जाव संपत्तेणं दो सुयक्खंधा पत्रत्ता अण्हयदारा य संवरदारा य पढमस्स णं भंते सुयक्खंधस्स समणेणं जाव संपत्तेणं कइ अञ्जयणा पत्रत्ता जंबू पढमस्स णं सुयक्खंधस्स समणेणं जाव संपत्तेणं पंच अञ्जयणा पत्रत्ता दोहस्स णं भंते एवं चेव एएसिं णं भंते अण्हय-संवरणं समणेणं जाव संपत्तेणं के अट्टे पत्रत्ते ततेणं अञ्जसुहम्मे धेरे जंबूनामेणं अणगारेणं एवं वुत्ते समाणे जंबूअणगारं एवं वयासी ।१-१।-१-१

(२) इणमो अण्हय-संवर-विणिच्छय पवयणस्स निस्संदं
वोच्चामि निच्छापत्थं सुहासियत्थं महेसीहिं

॥११॥-१

- (३) पंचविहो पत्रतो जिणेहिं इह अण्हओ अणादीओ
हिंसा- मोसमदत्तं अब्बंभ- परिग्गहं चेय ॥२॥-२
- (४) जारिसओ जंनामा जह य कओ जारिसं फलं देति
जेवि य करेति पावा पाणवहं-तं निसामेह ॥३॥-३

(५) पाणवहो नाम एस निच्चं जिणेहिं षणिओ-पावो चंडो रुदो खुदो साहसिओ अणारिओ निग्धिणो निस्संसो महम्मओ पद्मओ अतिभओ बीहणओ तासणओ अणओ उब्बेयणओ य निरवयक्खो निद्धम्मो निप्पिवासो निक्कलुणो निरय-वास-गमण-निधणो मोह-महम्मय-पवड्ढओ मरण वेपणांसो पढमं अधम्मदारं ।१।-१

(६) तस्स य नामाणि इमाणि गोष्णाणि होंति तीसं तं जहा-पाणवहुम्मूलणा सरीराओ अवीसंभो हिंसविहिंसा तहा अकिच्चं च घायणा मारणा य वहणा उद्ववणा तिवायणा य आरंभ-समारंभो आउयकम्मस्स उवहवो भेय-निद्ववण-गालणा य संवट्ठग-संखेवो मच्च असंजमो कडग-मट्ठणं वीरमणं परभव-संक्रामकारओ दुग्गतिप्पवाओ पावकोवो य पावल्लोमो छविच्छेओ जीवियंत-करणो भयंकरो अणकरो वज्रो परितावण-अण्हओ विणासो निज्जवणा लुंपणा गुणार्णं विराहणत्ति अवि य तस्स एवमादीणि नामधेजाणि होंति तीसं पाणवहस्स कलुसस्स कडुयफल-देसगाइं ।२।-२

(७) तं च पुण करेति केई पावा असंजया अविरया अणिहुय-परिणाम-दुप्पयोगी पाणवहं भयंकं बहुविहं परदुक्खुप्पायणप्पसत्ता इमेहिं तसथादरोहिं जीवेहिं पडिणिविद्धा कि ते-पादीण-तिमि - तिभिगिल - अणेगज्जस - विविहजातिमंदुकक-दुविहकच्छम-नक्कमगर-दुविहगाह-दिलि-वेदय-मंदुय-सीमागार-पुलुय-सुसुमार-बहुप्पगारा जलयरविहाणाकते य एवमादी कुरंग-रू-सरम-चमर - संघर - हुक्क - ससय - पसय - गोण - रोहिय - हय - गय-खर-करभ-खण-धानर-गवय-विग-सियाल - कोल-मज्जार-कोलमुणक-सिरियंदलय-आवत्त-कोकंति-गोकण-भिय-महिस-वियग्ध-छगल-दीविय-साण-तरच्छ-अच्छ-भाज-सददुल-सीह-विला चउप्पविहाणाकए य एवमादी अय-गर-गोणस-वराहि-मउलि-काओदर-दम्मपुप्फ-आसालिय-महोरागा उरगविहाणाकए य एवमादी छीरल-सरां-सेह - सज्जग - गोधा - उंदुर-नउल-सरड-जाहग-मुंगुस-खाडहिल-याउप्पइय-परोलिया सिरीसिवग्णे य एवमादी कादंबक-बक-बलाका-सारस-आडासेतीय-कुलल-बंजुल-पारिप्पव-कीव-सउण - दीविय - हंस - यत्तरट्ठ-भास-कुलीकोस-कोंच-दगतुंड-ढेणियालगसुईमुह-कविल-पिंगल-क्खग - कारंडग - चक्कवाग - उक्कोस - गरुल - पिंगुल - सुय - बरहिण-मयण-साल-नंदीमुह-नंद-माणगकोरंग-भिगारग-कोणालग-जीवंजीचक-तित्तिर-वट्ठक-लावक-कंपिजलक-कवोतग-पारे-वग-चिडिग-ट्टिक-कुक्कुड - बेसर - मयूरग-चउरग-हरपोडरीय-सालग-वीरल्ल-सेण-वायस-विहं-गभेणासि-चास-चगुलि-चम्मड्डिल-विततपक्खी खहयरविहाणकते य एवमादी जल-धल-खग-चारिणो उ पंचिदिए पसुणणे बिय-तिय-चउरिदिए य विविहे जीये पियजीविए मरणदुक्खपडिकूले वराए हणति बहुसंकिलिद्वकम्मा इमेहिं विविहेहिं कारणेहिं किं ते चम्म-वसा-मंस-मेय-सोणिय-जग-फिप्फिस-मत्थुलिग-हियय-अंत-पित्त-पोप्फस-दंतट्टा-अड्डि-मैज-नह-नयण-कण्ण-गहारूणि-नक्क-धमणि-सिंग-दाडि-पिच्छा-विस-विसाण-बालहेउं हिंसंति य भयर-मधुकरिणणे रसेसु गिद्धा तहेव तेइंदिए सरीरोवकरणद्वयाए किवणे बेइंदिए बहवे वत्थोहरपिमंडप्पट्टा अण्णेहि य एवमाइएहिं बहहिं कारणसतेहिं अबुहा इह हिंसंति तसे पाणे इमे य एगिंदिए वराए तसे य अण्णे तदस्सिए चव तणुसरीरे

समारंभंति-अत्ताणे असरणे अनाहे अबंधवे कम्पनिगल बदे अकुसलपरिणाम-मंदबुद्धिजण-दुष्चि-
जाणाए पुढविमए पुढविसंसिए जलमए जलगए अणलाणिल-तणवणस्सतिगणनिसिए य तम्पय-
तत्रिए वेव तदाहारे तप्परिणत-वण्ण-गंध-रस-फास-बौंदेरूवे अचक्खुसे चक्खुसे य तसकाइए
असंखे धावरकाए य सुहुम-बायर-पत्तेयसरीर-नाम-साधारणे अणंते हणंति अविजाणओ य
परिजाणओ य जीवे इमेहिं विविहेहिं कारणेहिं किं ते -करिसण-पोक्खराणी-वावि-वप्पिण-क्ख-सर-
तलाग-चित्ति-वेदि-खातिय-आराम-विहार-यूप-पागार-दार-गोउर-अट्टालग-चरिय-सेतु-संकम-
पासायविकम्प-भवण-घर-सरण-त्तेण-आवण-चेतिय-देवकुल-चित्तसभ-पव-आयत्तण-आव-
सह-भूमिघर-मंडवाण य कए भायण-भंडोवगरणस्स विविहस्स य अट्टाए पुढविं हिंसंति मंदबुद्धिया
जलं ज मज्जयण-पाण-भोयण-वत्थधोवण-सोयमादिएहिं पयण-पयावण-जलावण-विदंसणेहिं
अगणि सुप्प-वियण-तालयंट-पेहुण-मुह-करयल-सागपत्त वत्थमादिएहिं अनिलं अगार-परियार-
भक्ख-भोयण-सयण-आसण-फलग-मुसल-उक्खल-तत-वितत-आतोत्र-वहण-वाहण-मंडब-
विविहभवण-तोरण-विडंग-देवकुल-जालय-अद्ध-चंद-निज्जूह-चंदसालिय-वेतिय-निस्सेमि-दोणि-
चंगेरि-खील-मेढक-सभ-प्यवआवसह गंध-मल्ल-अनुलेवण-अंवर-जुय-नंगल-मइय-कुलिय-
संदण-सीया-रह-सगड-जाण-जोग-अट्टालग-चरिएअ-दार-गोपुर-फलह-जंत-सूलिय-लउ-
डमु-सुंदि-सतग्धि-बहुपहरण-आवरण-उचक्खराण कते अणहेहिं य एवमाहिएहिं बहूहिं कारण-
सतेहिं हिंसति ते तरुणणे षणियाभणिए य एवमादी सत्ते सत्तपरिवज्रिया उवणंति दढमूढा
दारुणपती कोहा माणा मावा लोपा हस्स रती अरती सोय वेदत्थ-जीव-धम्म-अत्थ-कामहेउं सवसा
अवसा अट्टा अणट्टाए य तसपाणे धावरे य हिंसंति मंदबुद्धी सवसा हणंति अवसा हणंति सवसा
अवसा दुहओ हणंति अट्टा हणंति अणट्टा हणंति अट्टा अणट्टा दुहओ हणंति हस्सा हणंति वेरा हणंति
रतीए हणंति हस्सा वेरा रतीए हणंति कुद्धा हणंति लुद्धा हणंति मुद्धा हणंति कुद्धा लुद्धा मुद्धा हणंति
अत्था हणंति धम्मा हणंति कामा हणंति अत्था धम्मा कामा हणंति ।३।३

(८) कयरे जे ते सोयरिया मच्छबंधा साउणिया वाहा कूरकम्मा दीवितबंधप्पओग-तप्प-
गल-जाल-वीरल्लग-आयसीदम्भवगुरा-कूडछेलिहत्था हरिएसा ऊणिया य दीदंसग-पासहत्था
वणचरगा लुद्धगा य महुघात-पोतघाया एणीयारा पएणीयारा सर-दह-दीहिअ-तलाग-पल्ल-
परिगालण-मलण-सोत्तबंधण-सलिलासयसोसगा विस-गरलस्स य दायगा उत्तण-वज्जर-दवग्गि-
णिद्वय-पलीयका कूरकम्पकारी इमे य बहवे मितक्खुया के ते-सक जवण सवर बब्बर काय मुहुंड
उड्ड भडग निण्णग पक्काणिय कुलक्ख गोड सीहल पारस कोंच अंध दबिल पुलिंद आरोस डोंव
पोक्कण गंधहारग बहलीय जल्ल रोम मास बउस मलया य चुंचुया य चूलिय कोंकणगा मेद पल्लव
मालव मग्गर आभासिया अणक्क दीण ल्हासिय खस खासिय नेहर मरहट्ट मुद्धिये आरब डोंविलग
कुहण केकय हूण रोमग रूरु मरुगा चिलायविसयवासी य पावमतिणो जलयर-थलयर-सणहपव-
उरगखहचर-संडासतोड-जीवोवघायजीवी सण्णी य असण्णिणो य पज्जता असुभत्तेस्सपरिणामा
एते अण्णे य एवमादी करंति पाणातिवाय-करणं पावा पावाभिगमा पावरूई पाणवहकयरती
पाणवहरूवाणुट्टाणा पाणवहकहासु अशिरमंता तुट्टा पावं करेतु होंति य बहुप्पगारं तस्स य पावस्स
फलावेवागं अयाणमाणा बड्ढेंति-महब्भं अविस्साम-वेयणं दीहकालवहुदुक्खसंकडं नरय-
तिरिक्ख-जोगिं इओ आउक्खए चुया असुभकम्भवहुला उववज्जंति नरएसु हुलितं-महालएसु

सुपकृषो-१, अन्वय-१

५

वयरामय-कुह-रुंद-निस्संधि-दारविरहिय-निम्बद्व-भूमितल-खरामस्स-विसम-निरयधर-चारएसु
महोसिण-सयावतत-दुग्ंध-विस्स-उब्बेयणगेसु बीमच्छ-दरिसणिज्जेसु निच्चं हिमपडलसीयलेसु
कालोभासेसु य भीम-गंभीर-त्तोमहरिसणेसु निरभिरामेसु निष्पडियार-बाहि-रोग-जरा-पीलिएसु
अतीवनिर्घंधकार-तिमिसेसु पतिभएसु ववगय-गह-चंद-सूर-नक्खत्त-जोइसेसु भेयवसामंसपडल-
पुच्चड-पूयरुहिसुक्किक्कण-विलीण-चिक्कण-रसियावावण्ण-कुहियचिक्खल्लकद्दमेसु कुक्कलानल-
पलित्त-जाल-मुम्पुर-असिक्खुरकरवत्तधार-सुनिसितविच्चुयडंक्कनिवातोवम्म-फरिस-अतिदुस्स-
हेसु अत्ताणसरण-कडुयदुक्खपरितादणेसु अनुबद्ध-निरंतरयेयणेसु जमपुरिसत्सकुलेसु तत्थ य
अंतोमुहुत्तलद्धि भवपच्चएणं निव्वत्तेति य ते सरिंरं हुंउं बीभच्छदरिसणिज्जं बीहणगं अट्टिण्हारु-नह-
रोमवज्जियं असुमगंध-दुक्खविसहं ततो य पज्जतिमुवगया ईदिएहिं पंचहिं वेदेति असुभाए वेयणाए
उत्तल-वल-विउल-उक्कड-खर-फरुस-पवंड-घोर-बीहणग-दारुणाए किं ते-कंदुमहाकुभियपयण-
पउलण-तवगतलणभट्टभज्जणाणि य लोहकडाहकदणाणि य कोट्ट-खलिकरण-कोट्टणाणि य साम-
लित्तिकखण्ण-त्तोहकंटक-अभिसरणापसरणाणि फालण-विदालणाणि य अवकोडकबंधणाणि य
लद्धिसियतालणाणि य गलगबलुल्लंबणाणि य सूलगभेयणाणि य आएसपवंचणाणि खिसणवि-
माणणाणि य विघुट्टपणिज्जणाणि वज्जसयमातिकाणि य एवं ते पुव्वकम्मकयसंचयोवत्तत्ता निर-
यग्णि-महग्गिसंपलित्ता गाढदुक्खं महम्मयं कक्कसं असायं सारींरं माणसं च तिव्वं दुविहं वेदेति
वेयणं पावकम्मकारी बहूणि पलिओवम-सागरोवभाणि कलुणं पालेति ते अहाउं जमकाइय तासिता
य सद्दं करेति भीया किं ते-अविभाव-सामि-भाय-वप्प-ताय जियवं मुय मे मरामि दुब्बलो वाहिपी-
लिओहं किं दाणिSसि एवं दारुणे णिह्ओ य मा देहि मे पहारे उस्सासेतं मुहुत्तयं मे देहिं पसावं करेहि
मा रूस वीसमामि गेविज्जं मंच मे मरामि गाढं तण्हाइओ अहं देहि पाणीयं ता हंत पिय इमं जलं विमलं
सीयलं ति धेत्तूण य नरयपाला तवियं तउयं से देति कलसेणं अंजलीसु दहूण य तं पवेवियंगमंगा
अंसुपगलंतपप्पुयच्छा छिण्णा तण्हा इयम्ह कलुणाणि जंपमाणा विप्पेक्खंता दिसोदिसं अत्ताणा
असरणा अणाहा अबंधवा बंधुविष्णूणा विपलायंति य मिगा व वेगेण भयुच्चिग्गा धेत्तूण बाला
पलायमाणणं निरणुकंपा मुहं विहाइेतु लोहडंडेहिं कलकलं णं वयणंसि धुमंति केइ जमकाइया
हसंता तेण य दइढा संता रसंति य भीमाइं विस्सराइं रुदति य कलुणगाइं पारेवत्ता व एवं परवित-
विलाव-कलुणो कंदिय-बहुरुत्त-रुदियसद्दो परिदेविय-रुद्ध-बद्धकारव-संकुलो नीसद्दो रसिय-
भणिय-कुविय-उक्कूइय-निरयपालतज्जियगेण्ह क्कम पहर छिंद मिंद उप्पाडेहि उक्खणाहि
कत्ताहि विकत्ताहि य भंज हण विहण विच्चुभोच्छुभ आकइड विकइड किं ण जानसि सराहि
पावकम्माइं दुक्कैयाइं-एवं वयणमहप्पगब्भो पडिसुयासद्द-संकुलो तासओ सया निरवगोयराण
महानगर-डज्जमाण-सरिसो निग्घोसे सुच्चए अणिट्टो तहियं नेरइयाणं जाइजंताणं जायणाहिं किं ते-
असिवणदढ्मवणजंतपत्थरसुइत्तलडारवाविकलकल्लं तवेयरणिक्कलंबवालुयाजलियगुहनिरुंभण-
उसिणोसिणकंडइइद्धुग्गरहजोयणतत्तलोहपहगमणवाहणाणि इमेहिं विवि- हेहिं आयुहेहिं किं ते-
मोग्गर मुसुंदि करकच सत्ति हल गय मुसल चक्क कौत तोमर भूल लउल पिंडिमाल सव्वल पट्टिस
चम्पेडु दुहण मुट्टिय असिखेडग खग चाव नाराय कणक कप्पणि वासि परसु टंकत्तिक्व निम्पल
अण्णेहि य एवमादिएहिं असुभेहिं वैउव्विएहिं पहरणसतेहिं अनुबद्ध- तिक्खवेरा परोप्परं वेयणं
उदीरेति अभिहणंता तत्थ य मोग्गरपहारचुण्णिय-मुसुंदिसंभग्गमहितदेहा जंतोपीलण-फुरंत-

कम्पिया केइत्य सचम्पका विगता निम्पूलुडूण-कण्णोड्डणासिका छिण्णहत्थपादा असिकरकय-
 तिकखकौत-परसु-प्पहारफालिया वासीसंतच्छित्तंगमंगा कलकलखारपरिसित्त-गाढ- डञ्जंतगता
 कुंतागभिण्ण-जञ्जरिय-सव्वदेहा बिलोलंति महीतले विसुण्णियंगमंगा तत्थ य विग-सुण्ण-सियात्त-
 काक-मञ्जार-सरम-दीविय वियग्घ-सहूल-सीह-दप्पिय-खुहाभिभूतेहिं निज्जकालमणसिएहिं धोरा-
 रसमाणभीमरूवेहिं अक्कमित्ता दढदाढागाढडक्ककड्ढिय-सुतिक्खनहफालियउद्धेदेहा विच्छि-
 प्पंते समंतओ विमुक्कसंधिबंधणा वियंगिमंगा कंक-कुरर-गिद्धा-घोरकड्डवायसगणेहिं य पुणो
 खराधिरदढणक्ख- लोहतुंडेहिं ओवत्तिता पक्खाहय - तिक्खनक्खविक्खित्तजिम्भ - अंछियनयण-
 निद्वयोलुग्ग-विगतवयणा उक्कोसंता य उप्ययंता निपतंता भमंता पुव्वकम्मोद- योवगता पञ्जाणु-
 सएण डञ्जमाणा णिंदंता पुरेकडाइं कम्माइं पावगाइं तहिं-तहिं तारि-साणि ओसण्णयिक्कणाइं
 दुक्खाइं अनुभवित्ता ततो य आउक्खएणं उववट्टिया समाणा बहवे गच्छंति तिरियवसहिं-दुक्खुत्तारं
 सुदारुणं जम्मण-मरण-जरा-वाहि-परियट्टणारहट्टं जलघलखहचर-परोप्पर- विहिंसणपवंचं इमं च
 जगपागडं वाराका दुक्खं पावेंति दीहकालं किं ते-सीउण्हत्तण्हखुहवेयण-अप्पडीकारअडविजम्मण -
 निच्चभउच्चिग्गवास-जग्गणवधबंधण -तालणंकण-निदायण-अट्टिभं- जण नासाभेय-प्पहार-दूमण-
 छविच्छेयण-अभिओगपायण-कसंकुसार-निवाय-दमणाणि वाहणाणि य मावापिति विष्पयोग-
 सोयपरिपीलणाणि य सत्थविग्गविसाभिघाय-गलगवलाबलणमारणाणि य गलजालुच्छिपणाणि
 पउलण-विकप्पणाणि य जावज्जीविगबंधणाणि पंजर-निरोहणाणि य सञ्जूह-निद्धडणाणि धमणाणि
 दोहणाणि य कुडंड-गलबंधणाणि वाड-परिवारणाणि य पंकजलनिमज्ज-णाणि वारिप्पवेसणाणि य
 ओवायणिभंगविसमणिवडण-दवग्गिजाल-दहणाइयाइं एवं ते दुक्ख- सय-संपलित्ता नरगाओ
 आगया इहं सावसेसकम्मा तिरिक्खपंचेदिएसु पावेंति पावकारी कम्माणि पमाद-राण-दोस-
 बहुसंविद्याइं अतीवअस्साय-कक्कसाइं भपर-मसग-मच्छियाइएसु य जाई-कुलकोडिसयसहस्सेहिं
 नवहिं चउरिंदियाण तहिं-तहिं चेव जम्मण-मरणाणि अनुभवता कालं संखेज्जकं भमंति नेरइयस
 माणतिव्वदुक्खा फरिस-रसण-घाण-चक्खुसहिया तेव तेइंदिएसु-कुण्डु-पिपीत्तिका-अवधिकदि-
 केसु य जाती-कुलकोडियसय-सहस्सेहिं अट्टहिं अनूणएहिं तेइंदियाण तहिं-तहिं चेव जम्मण-
 मरणाणि अनुभवता कालं संखेज्जकं भमंति नेरइयसमाणतिव्वदुक्खा फरिस-रसण-घाण-संपउत्ता
 तहेव बेइंदिएसु-गंडूलय-जलुय-किमिय-चंदणगमादिएसु य जाती-कुलको-डिसयसहस्सेहिं सत्तहिं
 अनूणएहिं बेइंदियाण तहिं-तहिं चेव जम्मण-मरणाणि अनुभवता कालं संखेज्जकं भमंति नेरइय
 समाणतिव्वदुक्खा फरिस-रसण-संपउत्ता पत्ता एग्गिंदियत्तणं पि य-पुढवि-जल-जलण-मारुय-
 वणफत्ति-सुहुम-बायरं च पज्जत्तमपज्जत्तं पत्तेयसरीरनामसाहारणं च पत्तेयसरी- रजीविएसु य
 तत्थवि कालमसंखेज्जकं भमंति अनंतकालं च अनंतकाए फारिंदियभाव-संपउत्ता दुक्खसमुदयं इमं
 अणिट्टं पावेंति पुणो-पुणो तहिं-तहिं चेव परभव-तरुणणगहणे कोट्टालकुलि- यदालण-सलिल-
 मलण-खुंभण - रुंभण - अनलानिल-विदिहसत्थघट्टण-परोप्परभिहणण-मारणवि- राहणाणि य
 अकामकाइं परप्पओगोदीरणाहिं य कज्जप्पओयणेहिं य पेसपसु-निमित्तं ओसहाहार- माइएहिं
 उक्खणण - उक्कत्थण - पयण - कोट्टण - पीसण - पिट्टण-भज्जण-गालण-आमोडण-सडण-फुडण-
 भंजण-छेयण-तक्खण-विलुक्खण-पत्तञ्जोडण-अग्गिदहणाइयातिं एवं ते भवपरंपरादुक्ख- समणु-
 बद्धा अडंति संसार-बीहणकरे जीवा पाणाइवायनिरया अनंतकालं जेवि य इह माणुसत्तणं आगया

मुष्कखण्डो-१, अङ्गपर्य-१

७

कहंचि नरगाओ उव्यट्टिया अधण्णा ते वि य दीसंति पायसो विकय-विगल-रूया खुआ वडभा य वामणा य बहिरा काणा कुंटा य पंगुला विअला य मूका य मम्पणा य अंधिल्लग-एगचक्खुविणि-हयसचिल्लया दाहिरोगपीलिय-अप्पाउय-सत्यवज्झ-वाला कुलक्खणुक्किक्कण्णदेह-दुब्बल-कुसंप-यण-कुप्पमाण-कुसंठिया कुरूवा किविणा य हीणा शीणसत्ता निच्चं सोक्खपरिवज्जिया असुह-दुक्खभागी नरगाओ उव्यट्टिया इहं सावसेसकम्मा एवं नरग-तिरिक्खजोणिं कुमाणुसत्तं च हिंड-माणा पावंति अणंतकाइं दुक्खाइं पावकारी एसो सो पाणवहस्स फलविवागो इहलोइओ पारलोइ-ओ अप्पसुहओ बहुदुक्खो महब्भओ बहुरयप्पाढो दारुणो कक्कसो असाओ वासस- हस्सेहिं मुच्चती न य अवेदयिता अत्थि हु मोक्खोत्ति-एवमाहंसु नायकुलनंदणो महप्पा जिणो उ वीरवर-नामधेज्जो कहेसी य पाणवहस्स फलविवागं एसो सो पाणवहो चंडो रूढो खुट्ठो अणारिओ निग्धिणो निस्संसो महब्भओ बीहणओ तासणओ अणज्जो उव्वेयणओ य निरवयक्खो निद्धम्मो निष्पिवासो निक्कलुणो निरयवास-गमण-निधणो मोह-महब्भय-पवद्दओ मरण वेमणंसो पढमं अहम्मदारं समत्तंति बेमि ।४।-४

● पढमे सुयक्खंथे पढमं अङ्गयणं पढमं आसव दारं सपत्तं ●

—: बी अं अ ज्झ य णं—बी अं आ स च दारं :—

(१) जंबू बितियं च अलियवयणं-लहुसगलहु-चवल-भणियं भयंकर-दुहकर-अयसकर-वेरकरगं अरतिरति-रागदोस-मणसंकिलेस-वियरणं अलिय-नियडि-साति-जोयबहुलं नीयजण-निसेयियं निस्सं अप्पद्यकारकं परमसाहु-गरहणिज्जं परपीलाकारकं परमक्कण्णलेस्ससहियं दुग्गइ-विणिवायवड्ढण भवपुणब्बवकरं चिरपरिचियमणुगतं दुरंतं बितियं अधम्मदारं ।५।-५

(१०) तस्स य नामाणि गोण्णाणि होति तीसंतं जहा-अलियं सट्ठं अणज्जं मायापोसो असंतकं कूडकयडमवत्थु निरत्थयमवत्थयं च विहेसगरहणिज्जं अनुज्जगं कक्कणा य वंचणा य मिच्छा-पच्छाकडं च साती ओच्छन्नं उक्कूलं च अट्ठं अब्भक्खाणं च किब्बिसं वलयं गहणं च मम्मणं च नूमं नियती अप्पच्चओ असमओ असच्चसंधतणं विचक्खो अवहीयं उवहि-असुद्धं अवलोवोत्ति अवि य तस्स एयाणि एवमादीणि नामधेज्जाणि होति तीसं सावज्जस्स अलियस्स वड्ढजोणस्स अणेगाइं ।६।-६

(११) तं च पुण वदंति केई अलियं पावा अस्संजया अविरया कवडकुडिल-कडुय-चडुल-भावा कुद्धा लुद्धा भया य हस्सट्टिया य सक्खी घोरा धारभडा खंडरक्खा जियजूईकरा य गहिय-गहणा कक्कपुरुग-कारगा कुलिगीउववहिया वाणियगा य कूडतुला कूडमाणी कूडकाहावणोव-जीवीपडकार-कलायकारुइज्जावंचणपरा चारिय-चडुथार-नगरगुत्तिया-परिवारग-दुड्ढवापि-सूयक-अणवलभणिया य पुव्वकलियवयण-दच्छा साहसिका लहुसग्गा असच्चा गारविया असच्चद्वा-वणाहिचिता उच्चच्छंदा अणिग्गाहा अणियता छंदेण मुक्कवायी भवंति आलियाहिं जे अविरया अवरे नत्थिकवादिणो वामलोक्कावी भणांति-सुण्णांति नत्थि जीवो न जाइ इह परे वा लोए न य किंचिवि फुसति पुत्रपावं नत्थि फलं सुकय-दुक्कयाणं पंचमहाभूतियं सरिरं भासंति ह वातजोगजुत्तं पंच य खंदे भणांति केई मणं च मणजीविका वदंति वाउजीवोत्ति एवमाहंसु सरिरं सादियं सनिधणं इह भवे एगे भवे तस्स विष्ण्णसम्भि सव्वनासोत्ति-एवं जंपंति मुसावादी तन्हा दाणव्वय-पोसहारणं तव-संजम-वंभचेर-कल्लाणमाइयाणं नत्थि फलं नवि य पाणवह-अलियवयणं न चैव चोरिक्ककरण-परदारसेवणं वा सपरिग्गह पावकम्मकरणं पि नत्थि किंचि न नेरइय-तिरिय-

मणुयाण जोणी न देवलो गो वन्थि न य अत्थि सिद्धिगमणं अम्मापिचरो वि नत्थि नवि अत्थि पुरिसकारो पद्मकखाणमवि नत्थि नवि अत्थि कालमच्च अरहंता चक्कवट्टी बलदेव-यासुदेवा नत्थि नेवत्थि केइ रिसओ धम्माधम्मफलं च नवि अत्थि किंचि बहुयं च थोवं वा तम्हा एवं विजाणिरुण जहा सुबहु-इंदियाणुकूलेसु सव्वविसएसु वट्टह नत्थि काइ किरिया वा अकिरिया वा-एवं भणंति नत्थिकवादिणो वामलोगवादी इमं पि बिइयं कुदंसणं असब्भाववाइणो पत्रावेत्ति मूढा-संभूतो अंडकाओ लोको सयंभुणा सयं च निम्बिओ एवं एतं अलियं पयावइणा इस्सरेण य कयं ति केइ एवं विणहुमयं कसिणमेव य जगं ति केइ एवमेके वदंति मोसं-एको आया अकारको वेदको य सुकयस्स दुक्कयस्स य करणाणि कारणाणि सव्वहा सव्वहिं च निद्धो य निकिक्को निग्गुणो च अनुवलेव-ओत्ति वि य एवमाहंसु असब्भाव-जंपि इहं किंचि जीयलोके दीसइ सुकयं वा दुक्कयं वा एवं जदिच्छाए वा सहवेण वावि दइवतप्पभावओ वावि भवति नत्थेत्य किंचि कयकं ततं लखण-विहाण नियती य कारिया-एवं केइ जंपंति इड्ढिरससातगारवपरा बहवे करणालसा परुवेत्ति धम्मवीमंसएणं मोसं अदरे अहम्माओ रायदुइं अट्ठमक्खाणं भणंति अलियं-चोरोत्ति अचोरियं करेत्तं डामरिओत्ति वि च एमेव उदासीणं दुस्सीलोत्ति य परदारं गच्छत्ति पडिलंति सीलकलियं अवंपि गुरुत्तप्यओत्ति अण्णे एवमेव भणंति उवहरणंता भित्तकलत्ताइं सेवंति अयंपि लुत्तथम्मो इमो वि वीसंभधायओ पावकम्मकारी अकम्मकारी अगम्मगामी अयं दुरप्पा बहुएसु य पातगेषु ज्तोत्ति-एवं जपंति पच्छरी भद्दके व गुण-कित्ति-नेह-परलोग-निष्पिवासा एवं ते अलियवचणदच्छा परदोमुप्पाच-णप्पसत्ता वेढेत्ति अक्खइय-वीएण अयाणं कम्मबंधणेण मुहरी असमिक्खियप्पलावी निक्खेवे अवहरंति परस्स अत्थंमि गढियगिद्धा अभिजुंजंति य परं असंतएहिं लुद्धा य करेत्ति कूडसक्खित्तणं असच्चा अत्थालियं च कत्रालियं च भोपालियं च तहा गवालियं च गरुयंभणंति अहरगतगमणं अण्णपि य जाति-रुव-कुल-सील-पच्चय-मायाणिगुणं चवला पिसुमं परमइभेदकं असंतकं विहेस-मणत्थकारकं पावकम्ममूलं दुइद्विं दुस्सुयं अमुणियं निल्लज्जं लोकगरहणिज्जं बह-बंध-परिकि-लेस-बहुलं जरा-मरण-दुक्खसोयनेम्मं असुद्ध-परिणाम-संकिंतिइं भणंति अलियाहिसंधि-निविट्ठा असंतगुणदीरका य संतगुण-नासका य हिंसाभूतोवघातितं अलियसंपउत्ता वयणं सावज्जमकुसलं साहुगरहणिज्जं अधम्मजणणं मणंति अणभिगत-पुत्रपाया पुणो य अधिकरण-किरिया-पवत्तगा बहुविहं अनत्थं अवमइं अय्यणो परस्स य करेत्ति एमेव जंपमाणा महिससूकरे य साहेत्ति घायगाणं ससय-पसय-रोहिए य साहेत्ति बागुरीणं तित्तिर-थट्ठक-लावके य कविंजल-कवोयके य साहेत्ति मगराणं अयगर-गोणस-मंडलि-दव्वीकर-पउली य साहेत्ति बालवीणं गोहासेहा य सल्लग-सरडे य साहेत्ति लुद्धगाणं गयकुल-वानरकुले य साहेत्ति पासियाणं सुक-बरहिण-मयणसाल-कोइल-हंसकुले सारसे य साहेत्ति पोसगाणं वध-बंध-जायणं च साहेत्ति गोम्भियाणं धण-धन्न-गवेलए य साहेत्ति तक्कराणं गाम-नगर-पट्टणे य साहेत्ति चारियाणं पारघाइय-पंधघातियाओ साहेत्ति य गंठियमेयाणं कयं च चोरियं नगरगोत्तियाणं लंछण-निल्लंछण-धमण-दुहण-पोसण-वणण-दुमण-वाहणादियाइं साहेत्ति बहूणि गोमियाणं धातु-पणि-सिलप्पवाल-रयणागरे य साहेत्ति आगरीणं पुफविहिं फलविहिं च साहेत्ति मालियाणं अण्धमहुकोसए य साहेत्ति वणचराणं जंताइं विसाइं मूलकम्म-आहेवण-आभिओगमंतोसहिप्पओगे चोरिय-परदारगमण-बहुपायकम्मकरणं ओख्खे गामघाति याओ वणदहण-तलागभेयणाणि बुद्धि-विसय-विणासणाणि वसीकरणमादियाइं भयमरण-किलेस-

दोसजणणाणि भाव-बहुसंकिलिद्ध-मलिणाणि भूतघातोवघायाइंसद्वाणि वि ताइं हिंसकाइं वयणाइं उदाहरंति पुद्ग व अपुद्ग वा परतत्तिवावडा य असमिक्खियभासिणो उवदिसंति सहसाउद्वा गोणा गववा दमंतु परिणयववा अस्सा हत्ती गवेलग-कुक्कुडा य किञ्जंतु किणावेध य विक्क्रेह पयह सयणस्स देह पिय धय दासि-दास-भयक-माइलका य सिस्सा य पेसकजणो कम्मकरा किंकरा य एए सधण-परिजणो य कौस अर्च्छंति भारिया भे करेतु कम्मं गहणाइं वणाइं खेत-खिलभूमि-वज्जराइं उत्तण-धण-संकडाइं ड्जंतु सुडिजंतु य रुक्खा भिजंतु जंतभंडाइयस्स उवहिस्स कारणाए बहुविहस्स य अद्वाए उच्छू दुजंतु पीलियंतु य तिला पयावेह य इद्दकाओ घरड्डयाए छेत्ताइं कसह कलसावेह य लहुं गाभ-नगर-खेड-कब्बडे निवेसेह अडवीदेसेसु विपुलसीमे पुप्फाणि य फलाणि य कंदमूलाइं कालपताइं गेण्ह करेह संचयं परिजणह्य्याए साली वीही जवा य लुच्चंतु मलिजंतु उप्पणिजंतु य लहुं च पविसंतु य कोड्डागारं अप्पमहुक्कोसगा य हम्मंतु पोयसत्था सेणा निज्जाउ जाउ डमरं घोरा वद्धंतु य संगामा पवहंतु य सगड-वहणाइं उवणयणं चोलणं विवाहो जत्रो अमुगम्मि होउ दिवसेसुकरणेसु मुहुत्तेसु नक्खत्तेसु तिहिम्मि य अज्र होउ ष्हवणं मुदितं बहुखज्जेज्जकलियं कोउकं विप्फावणकं संतिकम्माणि कुणह ससि-रवि-गहोवराग-विसमेसु सज्जण-परियणस्स य नियकस्स य जीवियस्स परिरक्खणह्य्याए पडिसीसकाइं च देह देह य सीसोवहारे विविहोसहि-मज्ज-मंस-भक्खण्णपाण-मल्लणुलेवण-पईवजलिउज्जलसुगंधधूवावकार-पुप्फफल-समित्ते पावच्छित्ते करेह पाणाइवायकरणेणं बहुविहेणं विवरीयुप्पाय-दुस्सिमिण-पावसउण-असोमगहचरिय-अमंगलनि-मित्त-पडिघायहेउं वित्तिच्छेयं करेह मा देह किचि दाणं सुद्धहओ-सुद्धहओ सुद्धठिण्णो भिण्णोत्ति उवदिसंता एवं विविहं करंति अलियं मणेणं वायाए कम्मुणा य अकुसला अणज्जा अलियाणा अलियधम्मनिरया अलियासु कहासु अभिरमंता तुद्वा अलियं करेतु होति य बहुप्पयां । ७१-7

(१२) तस्स य अलियस्स फलविवागं अयाणमाणा वड्ढेति महत्थमं अविस्सामवेयणं दीहकालं बहुदुक्खसंकडं नरय-तिरिय-जोणिं तेणं य अलिएणं समणुबद्धा आइद्धा पुणत्थमवंधकारे भमंति भीमे दुग्गतिसहिमुवगया तेय दीसंतिह दुग्गगा दुरंता परच्चसा अत्थभोगपरिवज्जिया असुहिता फुडियच्छवी वीभच्छा वियत्रा खरफरुस-विरत्त-ज्झाम-ज्झूसिरा निच्छाया लल्ल विफल-वाया असक्कतमसक्कया अगंधा अवेयणा दुमगा अकंता काकस्सरा हीमभिण्णघोसा विहिंसा जडवहिरंधया य मम्पणा अकंत-विकय-करणा नीया नीयजण-निसेविणो लोग-गरहणिज्जा भिच्छा असरिसजणस्स पेस्सा दुम्मेहा लोक-वेद-अज्झप्प-समयसुत्तिविज्जिया नरा धम्मबुद्धि-वियला अलिएण य ते ड्ज्जमाणा असंतएणं अवमाणण-पडिभंस-अहिक्खेव-पिसुणभेयण-गुरु-बंधव-सयण-मित्तवक्खारणादियाइं अत्थक्खाणाइं बहुविहाइं पावेति अमणोरमाइं हियय-मण-दूमकाइं जावजीवं दुरुद्धराइं अणिद्धखरफरुसवयण-तज्जण-नित्थमच्छण-दीणवदणविमणा कुभोयणा कुवा-ससा कुवसहीसु किलिस्संता नेव सुहं नेव निच्चुइं उवलभंति अच्चंत-विपुल-दुक्खसय-संपलित्ता एसो सो अलियवयणस्स फलविवाओ इहलोइओ पारलोइओ अप्पसुहो बहुदुक्खो महत्थमओ बहुरयप्प-गाढो दाहणो कक्कसो असाओ वाससहस्सेहिं मुच्चइ न य अवेदयिता अत्थि हु मोक्खोत्ति-एवमाहंसु नायकुलनंदणो महप्पा जिणो उ वीरवरनामधेज्जो कहेसी य अलिय-वयणस्स फलविवागं एयं तं वित्तिरपि अलियवयणं लहुसगलहु-चवल-भणियं भयंकर-दुहकर-अयसकर-वेरकराणं अरतिरति-रागदोस-मणसंकिलेस-वियरणं अलिय-नियडि-सादि-जोगबहुलं नीयजण-निसेदियं

निस्संसं अप्यद्यकारकं परमसाहुगरहणिञ्जं परपीलाकारकं परमकण्हलेससहियं दुग्गतिविनि-
वायवड्ढणं भवपुणब्भवकरं चिरपरिचियमणुगयं दुरतंतं वितियं अधम्मदारं समत्तं ति देयि।८।४

● पदमे सुयत्तं वीअं अञ्जयणं वीअं आसव दारं समत्तं ●

—: त इ यं अ ञ्ज य णं—त इ यं आ स व दारं :—

(१३) जंबू तइयं च अदिन्नादाणं-हर-दह-मरण-भय-कलुस-तासण-परसंतिगऽ-भेज्जलो-
भूलं काल-विसम-संसियं अहोऽच्छिण्णतण्ह-पत्याण-पत्योइमइयं अकित्तिकरणं अणञ्जं छिद्दमंतर-
विधुर-वसण-मग्गण-उस्सव-मत्त-प्पमत्त-पसुत्त-वंचणाखिवण-घायणपर-अणिहुयपरिणापतक्क-
रजणवहुमयं अकलुणं रायपुरिसरक्खियं सया साहुगरहणिञ्जं पियजण-मित्तजण-भेदविप्पीति-
कारकं रागदोसबहुलं पुणो य उप्पूर-समर-संगाम-डमर-कलि-कलह-वेहकरणं दुग्गतिविणिवा-
यवड्ढणं भव-पुणब्भवकरं चिरपरिचितमणुगयं दुरतंतं तइयं अधम्मदारं।९।७

(१४) तस्स य नामाणि गोष्णाणि होति तीसं तंजहा-चोरिक्कं परहडं अदत्तं कूरिकडं
परलाभो असंजमो परधणम्मिगेही लोलिक्का तक्करत्तणं ति य अचहारो हत्यलहुत्तणं पावकम्म-
करणं तेणिक्का हरण-विप्पाणासी आदियणा लुंण्णाधणाणं अप्पच्चओ ओवीलो अद्वेवो खेवो
विक्खेवो कूड्या कुलमसी य कंखा लालप्पणपत्थणा य आससणाय वसणं इच्छा मुच्छा य तण्हा गेही
नियडिकम्मं अपरच्छं ति अवि य तस्स एयाणि एवमादीणि नामधेज्जाणि होति तीसं अदिन्नादाणस्स
पाव-कलिकलुस-कम्मबहुलस्स अणेगाइं।१०।१०

(१५) तं च पुणं करेति चोरियं तक्करा परदब्बहरा छेया कयकरण-लद्धलक्खा साहसिया
लहुस्सगा अतिमहिच्छ-लोभगत्था दहर-ओवीलका य गौहिया अहिमरा अणभंजका भग्गसंधिया
रायदुडुकारी य विसयनिच्छूदा लोकवज्झा उद्दहक-गामघाय-पुरघाय-पंघघायग-आलीवग-तित्य-
भेया लहुहत्थ-संपउत्ता जूईकरा खंडरक्ख-त्थीचोर-पुरिसचोर-संधिच्छेया य गंधिभेदग-परधण-
हरण-लोभायहार-अक्केवी हडकारक-निम्मद्दग-गूदचोर-गोचोर-अस्सचोरग-दासिचोरा य एक-
चोरा ओकड्ढ-संपदायक-उच्छिपक-सत्थघायक-बिलकोलीकारका य निग्गाह-विष्पलुंणगा बहुवि-
हतेणिक्कहरणबुद्धी एते अण्णेय एयमादी परस्स दब्बाहि जे अविरेया विपुलबल-परिग्गहा य बहये
रायाणो परधणम्मि गिद्धा चउरंग-समत्त बलसमग्गा निच्चिय-वरजोह-जुद्धसद्धिय-अहमहमिति
क्ष्पिण्हिं सेत्रेहिं संपरिवुडा पउम-सगड-सूइ-चक्क-सागर-गरुलवूहाइएहिं अणिण्हिं उत्थरंता
अभिपूय हरंति पाधणाइं अवरे रणसीसलद्धलक्खा संगामम्मि अतिवयंति सण्णद्धबद्धपरिधर-
उप्पीलिय-धिंधपट्ट-गहियाउहपहरणा मादि-गुड-वम्मगुडिया आविद्धजालिका कवयकंकड्डया
उरसिरमुहबद्धकंठतोण-माइयवरफलगरचित-पहकर-सरभस-खरचावकर-करंछिय-सुनिसित-
सरवरिसचडकरक-मुयंतघणवंडवेग-धारानिवायमग्गे अणेगधपुमंडलग-संधित-उच्छलियसत्ति-
कणग-वामकरगहियखेडगनिम्मलनिकिकड्डखग्ग-पररंतकोल-तोमर-चक्क-गया-परसु-मुसल
लंगल-सूल-लउल-भिडिमाल-सब्बल-पट्टिस-चम्मेट्ट-दुधण-मोद्धिय-मोग्गर-वरफलह-जंतपत्थर-
दुहण-तोण-कुवेणी-पीढकलि ए इली-पहरण-मिलिमिलिमिलंत-खिप्यंत-विज्जुल्लविरचितसमप्प-
हणतले फुडपहरणे महारण-संख-भेरि-वरतूर-पउरपडुपडहाहय-निणाय-गंभीरनंदित-पक्कुभिय-
विपुलघोसे ह्य-गय-रह-जोह-तुरिय-पसरित-रउद्धत-त्तमंधकारबहुले कातरनर-नयणहियय-वाउ-
लकरे विलुलिय-उक्कडवर-उड-तिरीड-कुंडलोडुदामाडोविय-पागडपडाग-उसियज्जय-वेज-

यंति-चामरचलंत-छतंधकारगंभीरे हयहेसिय-हत्थिगुलुगुलाइय-रहघणघणाइय-पाइक्करहरहा-
 इय-अफोडियसीहनाय-छेलिय-विधुदुक्कुड-कंठकयसद्-भीमगञ्जिएसयराहसंत-रूसंत-कलक-
 लरवे आसूणियवयण-रूद्भीम-दसणाधरोड-गाददड-सप्यहारणुज्यकरे अमरिसवस-तिव्वरत्त-
 निद्वारितच्छे वेरदिद्वि-कुद्धवेद्विय- तिवलीकुडिलभिउडि- कयनिलाडे वधपरिणय- नरसहस-
 विक्कम- वियंभियबले वगंततुरंग-रहपहाविय-समरभडा-बडिय-छेय-लाधय-पहारसाधित-समू-
 सवियवाहुजुयल- मुक्कट्टास-पुक्कंत- बोल- बहुले फुरफलगावरणगहिय-गयवरपत्यंत-दरिय-
 भड- खल- परोप्परवलगय- जुद्धगव्विय- विउसितवरासिरोसतुरियअभिमुहपहरंत- डिन्नकरिकार-
 वियंगित-करे अवइद्ध-निसद्धमिन्न-फालिय-पगलिय-रुहिरकय-भूमिकद्दम-चिलिद्विल-पहेकुच्छि-
 दालिय- गलंत- निमेलितंत- फुरुफुरंत- विगल-मम्माहय- विकय- गाढदिन्नपहारमुच्छित-रुलंत-
 विय्थल-विलावकलुणे हयजोह-भमंततुरंग-उद्दाममत्तकुंजर-परिसंकितजण-निवुक्कच्छिन्नधय-
 भणारहवर-नद्धिसरकरि-कलेवराकिण्ण-पडिय-पहरणविकिण्णाभरणभूमिभागे नद्धंतकबंधपउर-
 भयंकरवायस- परिलंतगिद्धमंडल- भमंतच्छायंधकारगंभीरे वसु-वसुह-विकंपितव्व पद्यक्क-
 पिउचणं परमरुद्-बीहणयं दुण्येसतरगं अभियडंति संगामसंकडं परधणं महंता अवेरे पाइक्क-
 चोरसंघा सेणावई चोरवंदपागड्डिका य अडवीदेसदुग्गवासी कालहरित-रत्त-पीत-सुक्किल-
 अणेगसयचिंधपट्ट-बद्धा परविसए अभिहणंति लुद्धा घणस्स कज्जे रथणागरसागरं उम्पीसहस्स-
 मालाकुलाकुलविओयपोतकलकरंतकलियं पायालसहस्स-वायवसवेगसलिलउद्धम्ममाण-दगरय-
 रयंधकारं वरफेणपउरधवल-पुलपुलसमुद्धियेइहासं मारुयविच्छुद्धमाणपाणिय-जलपानुपील-
 हुलियं अवि य समंताओ खुभिय-लुलिय-खोखुद्धमाण-पक्खलिय-धलियविपुलजलचक्कवाल-
 महानईवेगुतुरियआपूरमाण- गंभीरविपुलआवत्तचवल- भममाणगुप्पमाणुच्छलंत- पद्योणियत्त-
 पाणिय-पधावियखरफरुसपयंडवाउलियसलिलफुट्टंतवीचिकलोल-संकुलं महामगर-मच्छकच्छम-
 ओहार गाह-तिपि-सुंसुमार-सावय-समाहय-समुद्धायमाणक-पूरधोरपउरं कायरजण-हिययकंपणं
 धोरमारसंतं महद्धयं भयंकरं पतिमयं उत्तासणगं अणोरपारं आगासं वेव निरवलंबं उपाइयपवण-
 धणियनोद्धिय-उववरुवितरंगदरिय-अतिवेगवेग- चक्खुपहमुत्तरंतं कत्यइ गंभीरविपुलगञ्जिय-
 गुंजिय-निग्घाय-गरुयनिवतित-सुदीहनीहारि-दूरसुव्वंतगंभीर-घुगुधुगंतसद्दं पडिपहठंभंतं-जक्ख-
 रक्खसकुहंडपिसायरुसियतज्जायउवसगसहस्ससंकुलं बहुप्पाइयमूयं विरचितबलिहोमधूवउ-
 वचार-दिन्नरुधिरछाणाकणपयत्त-जोगापयय-वरियं परिथंतजुगंतकालकप्पोवमं दुरंतं महानई-
 नईवइ-महाभीमदरिसणिअं दुरणुचरं विसमण्यवेसं दुक्खुत्तारं दुरासयं लवणसलिलपुत्रं असिय-
 सिय-समूसियगेहिं दच्छतरेहिं वाहणेहिं अइयइत्ता समुद्दमज्जे हणंति गंतूण जणस्स पोते परदव्व-
 हरणनिरणुकंया निरवयक्खा गामागर-नगर-खेड-क्खड-मडंब-दोणमुह-पट्टणासम-निगम-जण-
 वते य घणसमिद्दे हणंति थिरहियय-छिण्णलद्धा वंदिग्गहगोग्गहे य गेणहंति दारुणमतो निक्किक्का
 नियं हणंति छिंदंति गेहसंधि निक्खित्ताणि य हरंति धणधन्नदव्वजायामि जणवयकुलाणं
 निग्घिणमती परस्स दव्वाहिं जे अविरया तहेव केई अदिन्नादाणं गवेसमाणा कालाकालेसु संचरंता
 चियका-पज्जलिय-सरस-दरदइड-कड्डिय-कलेवरे रुहिरलित्तवयण-अक्खत-खातियपीतडाइणि-
 भमंतभयकर-जंबुयथिखियंतं धूयकय-घोरसद्दे वेयालुद्धिय-निसुद्ध-कहकहंत-पहसित-बीहणक-
 निरभिरामे अतिदुव्विगंध-बीभच्छदरिसणिअे सुसाणे वणसुन्नघर-लेण-अंतरावण-गिरिकंदर-विस-

मसावय-समाकुलासु वसहीसु किलिस्संता सीतातव-सोसिय-सरीरा दद्धच्छवी निरय-तिरिय-भवसंकड-दुक्खसंभार-वेयणिज्जापि पावकम्मामि संचिणंता दुल्लहभक्खन्नपाणभोयणा पिवासिया झुञ्जिया किलंता मस-कुणिम-कंद-मूल-जंकिचिकयाहारा उच्चिग्गा उभ्युया असरणा अडवीवासं उवेति बालसत-संकणिजं अयसकरा तक्करा भयंकरा कास हरामो त्ति अज्ज दब्बं इति सामतं करेति गुञ्जं बहुयस्स जणस्स कज्जकरणेसु विग्घकरा मत्त-पमत्त-पसुत्त-वीसत्थ-छिदधाती वसणभ्यु-दएसु हरणबुद्धी विग्गव्व रुहिरमहिया परिंति नरवतिमज्जाय-मत्तिककंता सज्जणदुग्गुञ्जिया सकम्मोहिं पावकम्मकारी असुभपरिणया य दुक्खभागी निच्चाविल-दुहमनिच्चुइमणा इहलोके घेव किलिस्संता परदव्वहरा नरा वसणसयसमावणणा।१९१-११।

(१६) तहेव केइ परस्स दब्बं गवेसमाणा गहिता य हया य वद्धरुद्धा य तरितं अति धाडिया पुरवरं समपिया चोरगाह-चारभड-चाडुकराण तेहि य कप्पडप्पहार-निदय-आक्खि-खर-फरुस-वपण-तज्जण-गलत्ताइ उत्यल्लणाहिं विमणा चारगवसहिं पवेसिया निरयवसहिसरिसं तत्थवि गोम्मिकप्पहार-दूमण-निब्भच्छण-कडुचवयण-भेसणा-भयाभिभूया अक्खित्त-नियंसणा मलिण-दंडिदंडवसणा उक्कोडा-लंच-पास-मागण-परायणेहिं गोम्मिकडेहिं विविहेहिं बंधणेहिं किं ते हडि-नियड-बालरज्जुय-कुदंडग-वरत्त-लोहसंकल-हत्थंदुय-वज्जपट्ट-दामक-निक्कोडणेहिं अन्नेहिं य एवमादिएहिं गोम्मिक-भंडोवकरणेहिं दुक्खसमुदीरणेहिं संकोडण-मोडणाहिं वज्जंति मंदपुत्रा संपुड-कवाड लोहपंजर-भूमिघर-निरोह-कूय-घारग-खीलग-जुय-चक्क-वितत-बंधण-खंभलण-उद्धचलणबंधण-विहम्मणाहिं य विहेडयंता अवकोडकगाढउरसिरबद्ध-उद्धपुरित-फुरं-तउरक-डग मोडणामेडणाहिं बद्धा य नीससंता सीसावेढ-ऊरुयाल-वप्पडगसंधिवंधण-तत्तस-लागरुइया-कोडणाणि तच्छणविमाणणाणि य खार-कडुय-त्तित्त-नावण-जायण-कारणसयाणि बहुयाणि पावियंता उरखोडीदित्रगाढपेळण-अड्डिकसंभग-संपुसुलिगा गल-कालकलोहदंड-उर-उउर-वदि-पट्टि-परिपीलिता मच्छंत-हियय-संचुण्णियंगमगा आणत्तीकिंकरेहिं केति अविराहिय-वेरिएहिं जमपुरिस-सत्रिहेहिं पहया ते तत्थ मंदपुत्रा चडवेला-वज्जपट्ट-पाराइ-छिव-कस-लत-वरत-वेत्त-प्पहारसयतालियंगमगा किवणा लंबंतचम्म-वण-वेयण-विमुहियमाणा धणकोट्टिम-नियल-जुयल-संकोडिय-मोडिया य कीरंति निरुच्चारा एया अण्णा य एवमादीओ वेयणाओ पावा पावेति अदंतिदिया वसइहा बहुनोहभोहिया परधणम्मि लुद्धा फासिंदियविसय-तिव्विग्गिद्धा हत्थियय-रूव-सद्द-रस-गंध-इद्धरति-महितभोग-तण्हाइया य धणतोसगा गहिया य जे नरगणा पुणरवि ते कम्मदुव्वियइद्धा उवणीया रायकिंकराणं तेसिं वधसत्थगपाढयाणं विलउलीकारकाणं लंचसय-गेण्हगाणं कूड-कवड-माया-नियडि-आयरण-पणिहि-बंधण-विसारयाणं बहुविहअलियसयजं-प-काणं परलोकपरम्भुहाणं निरयगतिगामियाणं तेहिं य आणत्तं-जीयदंडा तुरियं उग्घाडिया पुरवरं सिंगाडग-तिय-चउक्क-चच्चर-चउम्भुह-महापह-पहेसु वेत्त-दंड-लउड-कट्ट-लेट्ट-पत्थर-पणात्ति-पणोळि-मुट्टि-लया-पाद-पणिहे-जाणु-कोप्पर-पहारसंभग्ग-महियगत्ता अट्टारसकम्मकारणा जाइयं-गमंगा कलुणा सुक्कोडकंठगलकतालुजिब्भा जायंता पाणीयं विगवजीविदासा तण्हादिता वरागा तंपि य णं लभंति वज्जपुरिसेहिं घाडियंता तत्थ य खरफरुसपडहधट्टित्त-कूडगह-गाढरुद्ध-निसदुपरामद्धा वज्जकरकुडिजुयनियतया सुरत्तकणवीर-महिय-विमुकुल-कंटेगुणवज्जदूत-आवि-द्धमल्लदामा मरणभयुप्पण्णसेवमायतणेहुत्तुपियकिलिज्जगत्ता चुण्णगुडियसरीरा रयणेणुभरियकेसा

कुसुंभगोकुक्खिण्णमुद्धया छिण्णजीवियासा धुण्णता वज्जपाणपीता तिलं-तिलं चेव छिज्जमाण्णा
 सर्रीरविकिकत्त-लोहिओलित-कागणिमंसणि छावियंता पाया खरकरसएहिं तालिज्जमाणदेहा
 यातिकनरनारिसंपरियुडा पेच्छिज्जंता य नागरजणेण वज्जनेवत्थिया पणेज्जति नयरमज्जेण किवण-
 कलुणा अत्तामा असरणा अणाहा अबंधवा बंधुविष्पीणा विपेक्खंता दिसोदिसिं मरणभयुब्धिग्गा
 आघायण-पडिदुवार-संपादिया अधण्णा सुलग्ग-विलग्ग-भिण्णदेहा ते य तत्थ कीरंति परिक-
 प्पियंगमंगा उल्लंभिज्जंति रुक्खसालेहिं केई कलुणाई विलयमाण्णा अवरो चउरंग-धणियवद्धा
 पव्वयकडगा पमुच्चंते दूरपात-बहुविसम-पत्थरसहा अण्णे य गयचलग्ग-मलग्ग-निमदिया कीरंति
 पायकारी अद्धारसखंडिया य कीरंति मुंडपरसूहिं केई उक्कत्तकण्णोद्धनासा उप्पाडियनयणदसण-
 वसणा जिठमंछिच-छिण्णकण्णसिरा पणिज्जंते छिज्जंते य असिणा निव्विसया छिण्णाहत्थपाया य
 पमुच्चंते जावञ्जीवबंधणा य कीरंति केई परदव्वहरणलुद्धा कारग्गलनियलजुवलरुद्धा चारगाए-
 हत्तसारा सयणविष्पमुक्का मित्तजण-निरकम्प्या निरासा बहुजणधिक्रकारसद्वलज्जवित् अलज्जा
 अनुयद्धखुहापरद्धा सीउण्हतण्हवेयणदुहदुधट्टिय-विवण्णमुह-विच्छवीया विहलमइलदुब्बला
 किलंता कासंता वाहिया य आमाभिभूयगत्ता परूढनहकेसंसुरोमा छग-मुत्तम्पिणियगम्भि खुत्ता
 तत्थेव मया अकामका बंधिऊण पादेसु कडिडिया खाइयाए छूढा तत्थ य वग-सुणग-सियाल-कोल-
 पज्जारवंद-संदसगत्तुंड-पक्खिण्णविविहपुहसयविलुत्तगत्ता कय-विहंगा केइ किमिणा य कुथितदेहा
 अणिदुवयणेहिं सप्पमाण्णा-सुद्धकयं जं मउति पावो तुट्टेणं जणेण हम्ममाण्णा लज्जावणका य होति
 सयणस्सविं दीहकालं मया संता पुनो परलोगसमावण्णा नरये गच्छंति निरधिरामे अंगारपलित्त-
 ककम्प-अद्यत्थ सीतवेदण-अस्साओदिण्ण-सततदुक्खसयसमभिद्धते ततोवि उव्वट्टिया समाणा
 पुणोवि पव्वज्जंति तिरियजोणिं तहिंपि निरयोवमं अनुभवति वेयणं ते अनंतकालेण जति नाम कहिंचि
 मणुष्यभावं लभंति नेगेहिं निरयगतिगमण-तिरियभव-सयसहस्स-परियट्टएहिं तत्थवि य भवंतऽ-
 णारिया नीचकुलसमुप्पण्णा आरियजणेवि लोगवज्जा तिरिक्खभूता य अकुसला कामभोगतिसिया
 जहिं निबंधंति निरयवत्तिणि भवप्पयंचकरण-पणोहिं पुणोवि संसार-नेमे धम्मसुति-विवज्जिया
 अणज्जा कूरा मिच्छत्तसुति-पवण्णा य होति एणंतदंडरूड्ढो वेदंता कोसिकारकीडो व्व अप्पगं
 अट्टकम्पतंतु-धणबंधणेणं एवं नरग-तिरिय-नर-अमर-गमणपेरंतचक्कवाल जम्पणजरमरण-
 करण-गंधीरदुक्ख-परखुभियपउरसलिलं संजोगवियोगदीची-चिंतापसंगपसरिय-वहबंध-महल्लवि-
 पुलकलोल-कलुणविलवित-लोभकलकलितबोलबहुलं अवमाणणफेण-तिव्विंसण-पुलपुलप्पभू-
 यरोगवेयण - पराभवविणिवात - फरुसधरिसणसमावडिय-कट्ठिणकम्पपत्थर-तरंगरंगंत-निच्च-
 मद्युभव-तोयपट्ट कसायपायाल-संकुलं भवसयसहस्सजलसंचयं अनंतं उव्वेयणयं अनोरपारं
 महत्थयं भयंकरं पइभयं अपरिमियमहिच्छ-कलुसमतिवाउवेगउद्धम्ममाण-आसापिवासपायाल-
 कामरति-रागदोसबंधण-बहुविसंकम्पविपुलदगरयरयंधकारं भोहमहावत्तभोगभभमाण-गुप्पमाणु-
 व्वलंतबहुगढमवास - पच्चोणियत्तपाणियपधावितवसणसमावण - रूण्णचंडमा रुयसमाहयऽमणु-
 ण्ण- वीचोवाकुलित-भंगफुट्टंतऽनिद्धकल्लोलसंकुलजलं पमायबहुचंडदुद्धसावयसमाहय-उट्टायमा-
 णगपूरघोरविद्धंसणत्थवहुलं अन्नाणभमंतमच्छपरिहत्थ - अनिहुत्तिंदियमहामगरतुरियचरियखो-
 खुम्भ - माण - संतावनिच्चय - चलतचवलवंचल - अत्ताणाऽसरणपुव्वकयकम्पसंचयोदिण्णवज्ज-
 वेइज्जमाण-दुहसयविपाकधुण्णंतजलसमूहं इडिदरससायगारबोहारगहियकम्पपडिबद्धसत्त-कडि-

ढङ्गमाणनिरघतलहुत्तसण्णविसण्णबहुलं अरइइभयविसायसोगमिच्छत्तसेलसंकडं अणातिसंताण-कम्मबंधणकिलेसचिक्खल्लसुदुत्तारं अमरनरतिरियनिरयातिगभणकुडिलपरियत्तविपुलवेलं हिंसा-लय-अदत्तादान-मेहुण-परिग्गहारंप-करणकारावण्णामोदण-अट्टाविहअणिड्ढकम्मपिंडित-गुरुभारोक्कंत-दुग्गजलोधदूरणिदोलिज्जमाण-उम्मग्गनिमग्गदुल्लभतलं सारीरमणोमयाणि दुक्खाणि उप्पियंता सातस्सायपरितावणमयं उच्चुड्ढनिवुड्ढयं करेता चउरंत-महंतमणवयग्गं रुढं संसारसागरं अट्टियअणालंबणपत्तिठाणमम्ममेयं चुलसीतिजोगिसयसहस्सगुविलं अणालोकमंधकारं अनंतकालं निच्चं उतत्थ-सुण्ण-मय-सण्णसंपउत्ता वसंति उच्चिग्गवासवसहिं जहिं-जहिं आउयं निबंधंति पावकारी बंधवज्जण-सयण-मितपरिवज्जिया अणिट्टा भवंतऽणादेज्ज-दुच्चिणीया कुट्टामासण-कुसेज्ज-कुभोयणा असुड्ढो कुसंधयण-कुप्पमाण-कुसंठिया कुरूवा बहुकोह मण्ण-माया-लोमा बहुमोहा धम्मसण्ण-सम्मत्त-परिभ्रट्टा दारिद्रीवद्दवाभिभूया निच्चं परकम्मकारिणो जीवणत्थरहिया किंविणा परपिंडतक्कका दुक्खल-द्धाहारा अरस-विरस-तुच्छ-कयकुच्छिपूरा परस्स पेवज्जा रिद्धिसक्कार-भोयमविसेस-समुदयविहिं निदंता अप्पकं कयंतं च परिवयंता इह य पुरेकडाइं कम्पाइं पावगाइं विमणा सोएण ज्जम्माणा परिभूया होति सत्तपरिवज्जिया य छोभा सिप्प-कत्ता-समयसत्थ-परिवज्जिया जहायजायपसुभूया अचियत्ता निच्चनीयकम्मोवजीविणो लोयकुच्छणिज्जा मोहमणोरह-निरासदहुला आसापासधडिबद्धपाप्प अत्योपायाण-क्कामसोक्खे य लोयसरे होति अपच्चंतगा य सुड्ढवि य उज्जमंता तद्दविसुज्जुत्त-कम्मकयदुक्ख-संठविय-सित्थपिंड-संचयपरा खीणदच्चसारा निच्चं अघुवधण-धण्ण-कोस-परिभोग-विबज्जिया रहिय-कामभोग-परिभोग-सव्व-सोक्खा परसिरिमा-गोवभोगनिस्साण-मग्गणपरायणावरागा अकामिकाए विणोति दुक्खं नेव सुहं नेव निच्चुति उदलभंति अच्चंतविपुलदुक्खसय-संपलित्ता परस्स दव्वेहि जे अवरिया एसो सो अदिन्नादाणस्स फलविवागो इहलोइओ पारलोइओ अप्पसुहो बहुदुक्खो महब्भओ बहुरयप्पगाढो दारुणो कक्कसो असाओ वाससहस्सेहिं मुच्चति न य अवेयइत्ता अत्थि हु मोक्खोत्ति-एवमाहंसु नायकुलनंदणो महप्पा जिणो उ वीरवरनामधेओ कहेसी य अदिन्नादाणस्स फलविवागं लोभमूलं एवण जाव चिरपरिगतमणुगतं दुरंतं ततियं अहम्मदारं समत्तं ति बेमि ।१२।-१२

● पढमे सुयकखंथे तइअं अञ्चयणं तइअं आसव दारं समत्तं ●

—: च उ त्वं अ ञ्च य णं—च उ त्वं आ स व दारं :—

(१७) जंजू अबंध च चउत्थं-सदेवमणुयासुरस्स लोयस्स पत्थणिज्जं पंक-पणग-पासजालभूयं थी-पुरिस-नपुंसगवेदचिधं तव-संजम-बंधेर-विग्धं भेदायवण-बहुपमादमूलं कायरकापुरिससे-वियं सुयणजणवज्जणिज्जं उड्ढं नरग-तिरियतिलोक्कपइड्ढाणं जरा-मरण-रोग-सोगबहुलं वध-बंध-विधाय-दुच्चिधायं दंसण-चरित्तमोहस्स हेउभूयं चिरपरिचियमणुगयं दुरंतं चउत्थं दारं ।१३।-१३

(१८) तस्स य नामाणि गोष्णाणि इमाणि होति तीसं तं जहा-अबंधं मेहुणं चरंतं संसग्गि सेवणाधिकारो संकप्पो बाहणा पदाणं दप्पो मोहो मणसंखोभो अणिग्गहो वुग्गहो विधाओ विभंगो विट्ठमो अधम्मो असीलया गामधम्मतती रती रागो कामभोग-मारो वेरं रहस्सं गुञ्जं बहुमाणो बंधेर-विग्धो दावत्ति विराहणा पसंगो कामगुणो ति अवि य तस्स एयाणि एवमादीणि नामधेआणि होति तीसं ।१४।-१४

(१९) तं च पुण निसेवंति सुरगणा सअच्छरा मोह-मोहिय-मती-असुर-धुयग-गरुल-विज्जु-

जलज-दीव-उदहि-दिस-पवण-यणिया अणयणिय-पणवणिय-इसि-वादिय-भूयवादियकंदिय-
 महाकंदिय-कूहंड-पतगदेवा पिप्साय-भूय-जक्ख-रक्खस्स-किन्नर-किंपुरिस-महोरग-गंधव्व-तिरिय-
 जोइस-विमाणवासि-मणुयगणा जलयर-थलयर-खहयरा य मोहपडिबद्धचित्ता अयितण्हा काम-
 भोगतिसिया तण्हाए बलवईए महईए समभिभूया गदिया य अतिमुच्छिया य अंबंभे ओसण्णा
 तामसेण भावेण अनुमुक्का दंसण-वरित्तमोहस्स पंजरं पिव करोति अण्णोण्णं सेवमाण भुज्जो
 असुर-सुर-तिरिय-मणुय-मोगरति-विहार-संपउत्ता य चक्कवड्डी सुरनरवतिसक्कया सुरवरव्व
 देवलोए मरह-नग-नगर-नियम-जणयय-पुरवर-दोणमुह-खेड-कब्बड-मंडव-संवाह-पट्टण-सहस्स-
 मंडिवं थिमिय-मेयणियं एगच्छत्तं ससागरं भुंजिऊण वसुहं नरसीहा नरवई नरिंदा नरवसभा मरुय-
 वसभकप्पा अब्भहियं रायतेय-लच्छीए दिप्पमाणा सोमा रायवंस-तिलगा रवि-ससि-संख-वरचक्क
 -सोखिय-पडाग-जव-मच्छ-कुम्भ-रहवर-भग-भवण-विमाण-तुरय-तोरण-गोपुर-मणि-रयण-नंदि-
 यावत्त - मुसल - गंगल - सुरइयवरकण - रुक्ख-मिगवति-महासण-सुरुचि-धूम-चरमउड-सरिय-
 कुंडल-कुंजर-वरवसभ-दीव-मंदिर-गरुल-द्धय-इंदकेउ-दप्पण-अट्ठावय-चाव-वाण-नक्खत्त-मेह-
 मेहल- वीणा-जुग-छत्त-दाम-दामिणि-कमंडलु-कमल-घंटा-वरपोत-सुइ-सागर-कुमुदगार-मगर-
 हार - गागर - नेइउर-नग-नगर-वइर-किन्नर-मयूर-वररायहंस-सारस-चकोर-चक्कवागमिहुण-चा-
 मर - खेडग - पव्वीसग - विपंचि - वरतालियंट-सिरिया-भित्सेय-मेइणि-खग्ग-अंकुस-विलमकलस-
 भिंगार-वद्धमाणग-पसत्थ-उत्तमविभ-त्तवर-पुरिसलक्खणधरा बत्तीसं रायवरसहस्साणुजायमग्गा
 चउत्तिसिगसपवरजुवतीण नयणकंता रत्ताभा पउमपक्क-कोरंटगदाम-चंपक-सुत्तवितवरकण-
 कनिहसदण्णा सुजाय-सव्वंगसुंदरंगा महग्घ-वरपट्टणुगय-दिवित्तराग-एणि-पेणि-निम्मिय-दुगुल्ल-
 वरचीणपड-कोसेज्ज-सोमीसुत्तक-विभूसियंगा वरसुरभिगंध-वरचुण्णवास-वरकुसुमपरिय-सिरिया
 कप्पिय-छेयायरियसुकय-इत्तमाल-कडगंगध-तुडिय-पवरभूसण-पिणद्धेहा एकावलिकठसुरइ-
 यवच्छा पालंबलंवामाणसुकयपडुत्तरिज्जमुहियापिगलंगुलिया उज्जल-नेवत्थ-इय-चिल्लग-विराय-
 माणा तेएइ दिवाकरोव्व दिता सारय-नवधणिय-महुर-गंभीर-निद्धवोसा उप्पणसभत्तरयण-
 चक्करयणप्पहाणा नवनिहिवइणो समिद्धकोसा चाउरंता चाउरीहं सेणाहिं समणुजाइज्जमाणमग्गा
 तुरगवती गयवती रहवती नरवती चिपुलकुलविस्सुयजसा सारयससिसकल-सोमवयणा सूर
 तेलोक्क-निग्गय-पभावलद्धसद्दा सभत्तभरहाहिवा नरिंदा ससेलवण-काण्णं च हिमवंत-सागरंतं
 धीरा भुत्तुणं भरहवासं जियसत्तु पवररायसीहा पुब्बकडतवप्पभावा निविद्ध-संचियसुहा अणेणवास-
 सयमायुवंतो पज्जाहि य जणवय्यप्पहामाहिं लालियंता अतुल-सद्द-फरिस-रस-रूवं-गंधे य अनुभ-
 वित्ता तेवि उवणमंति मरणधम्मं अयित्तिता कामाणं भुज्जो बत्तदेव-वासुदेवा य पवरपुरिसा
 महावलपारकम्मा महाधणुवियइद्धका महासत्तसागरा दुद्दा धणुद्धरा नरवसभा रामकेसवा भायरो
 सपरिसा वसुदेव-समुह्वियजयमादियदसाराणं पज्जुण्ण-पयिव-संब-अनिरुद्धा-निसह-उम्भुय-सारण-
 गय-सुमुह-दुम्पुहादीण जायवाणं अद्धइणावि कुमारकोडीणं हिययदयिया देवीए रोहिणीए देवीए
 देवकीए य आणंदहिययभावन्दणकरा सोलस रायवरसहस्साणुजातमग्गा सोलसदेवीसहस्स-
 चरणयण - हिययदयिया नणामणि - कणग - रयण-मोत्तिय-पवाल-धण-धन्नसंचय-रिद्धि-समिद्ध-
 कोसा हय-गय-रह-सहस्ससामी गामागर-नगर-खेड-कब्बड-मंडव-दोणमुह-पट्टणासम-संवाह-
 सहस्सथिमियनिच्चुयपमुदितजण - विविहसस्सनिप्फज्जमाणमेइणि - सर - सियतलागसेल-काण्ण-

आरामुज्जाण-मणाभिरामपरिमंडियस्स दणिइच्छेयइच्छगिरिविभत्तस्स लवणजलहिपरिगयस्स छव्विहकालगुणकमजुत्तस्स अद्धभरहस्स सामिका धीरकित्तिपुरिसा ओहबला अइवला अनिहवा अपराजियसत्तुमद्दणा रिपुसहस्स-माणमहणा साणुक्कोसा अमच्छरी अचवला अंचडा पित्तमं-जुलपलावा हसिय-गंभीर-महुरभणिया अद्भुवगयवच्छला सरण्णा लक्खण-वंजण-गुणोववेया माणुम्भाण-पमाण-पडिपुत्रा-सुजाय-सव्वंगसुंदरंगा ससि-सोमागार-कंतेपियदंसणा अमरिसणा पयंडडंप्पयार-गंभीर-शरिसणिज्जा तालद्धव-उव्विद्धगरुलकेऊ बलवग-गजंत-दरित-दप्पित्त-मुट्ठि-यचाणपूरुमा रिद्धवसभघाती-केसरिमुह-विष्णाडगा दरितनागदप्पमहणा जमलजुणमंजगा महा-सउणि-पूतणरिऊ कंसमउडमोडगा जरासंघ-माणमहणा तेहि य अविरल-सम-सहिय-चंदमंडल-समप्पभेहिं सूरभिरायकवयं विणिम्मयंतेहिं सपतिदंडेहिं आयवतेहिं धरिज्जंतेहिं विरायंता ताहिं य पवरगिरिगुहरविहरणसप्तुद्धियाहिं निरुवहयचमर-पच्छिमसरीर-संजाताहिं अमइल-सियकमल-विणिमुकुलुज्जलित-रयतगिरिसिहर-विमलससि-किरणसरिस-कलहोच-निम्मलाहिं पवणाहयच-वल-चलिय-सललिय-पणच्चिय-वीइपसरिय-खीरोदगपवरसागरुप्पूरचंचालाहिं माणससरपसर-पपिचि-यावास-विसदवेसाहिं कणगगिरिसिहर-संसिताहिं ओवायुष्पय चवलजयिणासिग्धवेगाहिं हंसव-धूयाहिं चैव कलिया नाणामणिकणग-महरिहतवणिज्जुलवियचित्त-डंडाहिं सललियाहिं नरवतिसि-रिसमुदयप्पकासणकरीहिं वरपट्टगुणयाहिं समिद्धरायकुल-सेवियाहिं कालागुरुपवर-कुंदुरुक्क-तुरुक्क-धूववसवास विसद-गंधुदधुयाभिरामाहिं चिच्चिकाहिं उभयोपासंपि चामराहिं उक्किक्क-माणाहिं सुहसीतलवातवीतियंगा अजिता अजितरहा हल-मुसल-कणगपाणी संख-चक्क-गय-सत्ति-नंदगधरापवरुज्जलसुक्राय-विमलकोत्थुम-तिरीडधारी कुंडलउज्जोवियाणणापुंड-रीच-नणया एगावलीकंठरइयवच्छा सिरिवच्छसुलंछणा वरजसा सव्वोडव-सुरभि-कुसुम-सुरइय-पलंब-सोहंत-वियसंत-चित्तवणमालरइयवच्छा अट्टसयविभत्त-लक्खण-पसत्थसुंदर विराइयंग-मंगा मत्तगयवरिंद-ललियविक्रकम-विलसियगती कडिसुत्तगनील-पीत-कोसेज्जवाससा पवरदित्त-तेया सारयनव-थणिय-महुरगंभीर-निद्धघोसा नरसीहा सीहविक्रकमगई अत्थमिय-पवररायसीहा सोमा वारवइ-पुत्रचंदा पुव्वकडतवप्पभावा निविट्टसंचियमुहा अणेगवाससयमायुवंतो भज्जाहिं य जणवयप्प-हाणाहिं लालियंता अतुलसद्द-फरिस-रस-रूव-गंधे अनुभवता ते वि उवणमंति मरण-धम्मं अवित्तिता कामाणं भुज्जो मंडलिय-नरदरेंदा सबला सअंतेउरा सपरिसा सपुरोहिच-अमच्च-दंडना-यक-सेणावति-मंतनीतिकुसला नाणामणियरण-विपुलधण-धन्न-संचयनिही समिद्धकोसा रज्जसिरिं विपुलमणुभविता विक्रककोसंता बलेणं मता ते वि उवणमंति मरणधम्मं अवित्तिता कामाणं भुज्जो उत्तरकुरु-देवकुरु-वणविवर-याचचारिणो नरगणा भोगुत्तमा भोगलक्खणधरा भोग-सस्सिरीया पसत्थसोम्मपडिपुत्ररूवदरिसणिज्जा सुजात-सव्वंग-सुंदरंगा रत्तुप्पलपत्तकंत-कर-चरण-कोमलतला सुपइट्ठिय-कुम्भाचारुचलणा अनुपुव्वसुसंहयंगुलीया उन्नततणुतंभनिद्धनक्खा संठिय-सुसिलिद्धगूढगंगा एणी-कुरुविंद-वत्त-वहाणुपुव्वजंया समुग-निसग्गगूढजाणू वावारणमत्त-तुल्लवि-क्कम-विलासितगती वरतुरग-सुजायगुज्जदेसा आइण्णहयच्च निरुवलेवा पमुइवरतुरग-सीहअतिरेवट्ठियकडीं साहतसोणंद-मुसल-दप्पण-निगरियवरकणगच्छरुसरिस-वरवरवलिय-मज्झा उज्जुग-सम-सहिय-जच्चतणु-कसिण-निद्ध-अदेज्ज-लडह-सुमाल-मउयरोमाई झस-विहग-सुजातपीण-कुच्छी झसोदरा पन्हविगडनाथा सन्नतपासा संगयपासा सुंदपासा सुजातपासा

मितमाइग-पीणरइयपासा अकरंडुय - कणगरुयगनिम्मल - सुजाय-निरुवहयदेहधारी कणगसिला-
 तल-पसत्य-समतल-उवइय - विच्छेष्णापिहुलवच्छा जुयसन्निभपीणरइय - पीवरपउट्टसंठियसुसि-
 लिङ्ग-विसिद्धलङ्गसुनिचितघणथिरसुबद्धसंधी पुरवरफलिह-वडियभुया भुयईसरविपुलभोग-आ-
 याणफलिह-उच्छूढदीहबाहू रत्ततलोवइय-मउय-मंसल-सुजायलक्खण-पसत्य-अच्छिद्दजालपाणी
 पीवरसुजायकोमलवरगुली तंबतलिणसुइरुइलनिद्धनक्खा निद्धपाणिलेहा चंदपाणि लेहा सूर-
 पाणिलेहा संखपाणिलेहा चक्कपाणिलेहा दिसासोवत्थियपाणिलेहा रवि-ससि-संख-वरचक्क-
 दिसासोवत्थिय-विभत्त-सुविरइय-पाणिलेहा-वरमहिस-वर।ह-सीह-सहुल-रिसह-नागवर-पडिपुत्र-
 विउलखंधा घउरंगुलसुप्पमाण-कंबुवरसरिसगीवा अवडिय-सुविभत्त-चित्तमंसू उवचिय-मंसल-
 पसत्य-सहुलविपुलहणुया ओयविच-सिल-प्पवाल-बिंबफलसन्निभाधरोट्टा पंडुरससिसकल-विमल-
 संख-गोखीर-फेण-कुंद-दगरय-मुणालिय-धवलदंतसेदी अखंडदंता अप्फुडियदंता अविरल- दंता
 सुणिद्धदंता सुजायदंता एगदंतसेदिव्य अणेगदंता हुयवहनिद्धंतथोयत्ततवणिज्जरत्ततल- तालु-
 जीहा गरुलायत-उज्जुतुंगनासा अवदालियपोंडरीयनधणा कोकासियधवलपत्तलच्छा आणामिय-
 चावरुइल-किण्हत्तरजियसंठिय-संगयायय-सुजायभुमगा अङ्गीणपमाणजुत्तसवणा सुसवणा
 पीणमंसलक्रवोलदेसभागा अचिरुग्गय-बालचंदसंठियमहानिडाला उडुवतिरिव पडिपुत्रसोमव-
 यणा छत्तागारुत्तमंगदेसा धणनिचियसुबद्धलक्खणुण्यकूडागारनिभपिंडियग्गसिरा हुयवहनिद्धं-
 तथो-यत्त - तवणिज्ज - रत्तकेसंतकेसभूमी सामलीपोंडधणनिवछोडिय-मिउ-विसद-पसत्य-सुहुम-
 लक्खण-सुगंध-सुंदर-भुयमोयग-भिग-नील-कज्जल-पहडुभमरगण-निद्ध निगुरुंब-निचिय-कुंचिय-
 पयाहिणावत्त-मुद्धसिरया सुजात-सुविभत्त-संगवंगा लक्खणवज्जणुणोवदेया पसत्यबत्तीसलक्ख-
 णधरा हंससरा कुंचसरा दुंदुभिस्सरा सीहसरा ओघसरा मेघसरा सुस्सरा सुस्सरनिग्घोसा
 वज्जरिसहनाराय-संघयणा समचरउससंठाणसंठिया छायाउज्जोविद्यंगंगा छवी निरातंका कंकग्ग-
 हणी क्रवोत्तपरिणामा सउणपोस-पिडुंतरोरुपरिणया पउमुप्पलसरिसगंधसास-सुरभिवयणा अनु-
 लोमवाउलवेगा अवदाय-निद्ध-काला विग्गहिय-उण्णय-कुच्छी अमयरसफलाहारा तिगाउय-
 समूसिया तिपलिओवमद्वितीका तिष्णि य पलिओवमाई पउमाउं पालयित्ता ते यि उवणमंति
 मरणधम्मं अवितित्ता कामाणं पमया वि य तेसिं हौंति-सोम्मा सुजाय-सव्वंग-सुंदरीओ पहाम-
 महिलगुणेहिं जुत्ता अतिकंत-विसप्पमाण-मउय-सुकुमाल-कुम्मसंठिय-सिलिद्धचरणा उज्जु-मउय-
 पीवरसुसंहतंगुलीओ अट्ठुण्णत-रतिद-तलिण-तंब-सुइ-निद्धनक्खा रोमरहिय-घट्टसंठिअ-अज्ज-
 हण्ण - पसत्य - लक्खण - अकोप्प - जंघजुयलासुणिमिते - सुनिगूढ-जण्णुमंसल-पसत्य-सुबद्ध-संधी
 कय- लीखंभातिरेकसंठिय - निब्बणसुकुमाल - मउय-कोमल-अधिरल-सम-सहित-वट्ट-पीवर-
 निरंतरोरु अट्टावयवीचिपट्टसंठिय-पसत्यविच्छेष्णपिहुलसोणी वयणापामप्पमाणदुग्गुणिय-विसा-
 लमंसलसु- बद्धजहणवरधारिणीओ वज्जिराइय-पसत्यलक्खणनिरोदरीओ तिवलिवलित्त-तणु-
 नमियमज्झियाओ उज्जुय-सम-सहिय-जच्च-तणु-कसिण-निद्ध-आदेज्ज-लडग-सुकुमाल-उय सुवि-
 भत्तरोमराई गंगावत्तय-पदाहिणावत्त-तरंगभंग- रविकिरण - तरुण-बोधितकोसायंतपउम-गंभीर-
 विगडनार्थी अनुत्थडपसत्यजातपीणकुच्छी सन्नतपासा संगतपासा सुंदरपासा सुजातपासा मिय-
 माधिय-पीणरइतपासा अकरंडुय-कणगरुयगनिम्मल-सुजाय-निरुवहयगायलट्टी कंचणकलसप-
 माण-सम-सहिय-रुद्धचूयआमेलग-जमल-जुयल-वडियपओहराओ भुयंगअणुपुव्वतणुय-गो-

पुच्छवट्ट-सम-संहिय-नमिय-आदेअ-लडहबाहा तंवनहा मंसलग्गहत्या क्रोमल पीवरवरंगुलीया निद्धपणिलेहा ससि-सूर-संख-चक्क-वरसोत्थिय-विभत्त-सुविरइय-पणिलेहा पीनुण्णयकक्खव-त्थिप्पदेसे-पडिपुन्नगलकवोला चउरंगुलगुप्पाण-कंबुवरसरिसगीवा मंसलसंठियपसत्थहणुया दालियपुप्फ-गास-पीवर-पलंबकुंचितवराधरा सुंदरोत्तरोद्धा दधि-दगरय-कुंद-चंद-वासंतिमउल-अच्छिइविम-लदसणात्तुप्पल-रत्तपउमपत्त-सुकुमालतालुजीहा कणवीरभउलऽकुडिलऽअुण्णय-उजुत्तुंगनासा सारदनवकमल-कुमुत्त-कुयलयदलनिगरसरिसलक्खण-पसत्थ-अजिम्हकंतनयणा आनामियवा- वरुइल-किण्हभराइसंगय-सुजाय-तणु-कसिण-निद्धमुमगा अल्लोणपमानजुत्तवणा सुस्सवणा पीणमट्ट-गंडलेहा चउरंगुलविसाल-समनिडाला क्रोमुदिरयणिकारविमलपडिपुन्नसोमव-दणा छत्तुप्रय-उत्तिमंगा अकविल-सुसिणिद्ध-दीहसिरया छत्त-अज्जय-जूव-यूभ-दामिणि-कमंडलु-कलस-वावि-सोत्थिय-पडाग-जव-मच्छ-कुम्भ-रहवर-मकरज्जय-अंक-याल-अंकुस-अट्टावय-सुपइट्ट-अमर-स्तिरियाभिसेय-तोरण-भेइणि-उदधिवर-पवर-भवण-गिरिवर-वरायंस सुललियगय-उसभ-सीहचामर पसत्थवतीसलक्खणधरीओ हंससरिच्छगतीओ कोइल-महुरि-गिराओ कंता सव्वस्स अनुपयाओ ववगयवलिपलितवंग-दुव्वन्न-वाधि-दोहग्ग-सोयमुक्काओ उच्चतेण य नराण थोवूण-मूसियाओ सिंगारारारारुवेसा सुंदर-धण-जहण-वयमण-कर-चरण नयणा लावण्णरुव-जोव्वण-गुणोववेया नंदणवनविवरचारिणीओ व्व अच्छराओ उत्तरकुरुमाणुसच्छराओ अच्छेरग-पेच्छणिज्जियाओ तिण्णि य पलिओवमाइं परमाउं पालयित्ता ताऽवि उवनमंति मरणधम्मं अवि-तिता कामाणं 1941-15

(२०) मेहुणसण्णासंपगिद्धा य मोहभरिया सत्थेहिं हणंति एककमेक्कं विसयविसउदीरएसु अवरे परदारोहिं हम्मंति विसुणिया धणनासं सयणविप्पणासं च पाउणंति परस्स दारओ जे अवरिया मेहुणसण्णासंपगिद्धा य मोहभरिया अस्सा हत्थी गवा य महिसा मिगा य मारोति एककमेक्कं मणुयगणा बानरा य पक्खी य विरुज्जंति पित्ताणि खिप्पं भवंति सत्तू समये धम्मं गणे य भिंदंति पारदारी धम्मगुणरया य बंधयारी खणेण उल्लोइए चरित्तओ जसमंतो सुव्वया य पावंति अयसकिंति रोगत्ता याहिया य वड्ढेति रोपयाही दुवे य लोया दुआरागा भवंति-इहलोए चेव परलोए-परस्स दाराओ जे अवरिया तहेव केइ परस्स दारं गवेसमाणा गहिया हया य बद्धरुद्धा य अवं जाव नरगे गच्छंति निरभिरामे विपुलमोहाभिभूयसण्णा मेहुणमूलं च सुव्वए तत्थ-तत्थ वत्तपुव्वा संगामा बहुजणक्खयकरा सीयाए दोवतीए कए रुप्पिणीए पउमावईए ताराए कंचणाए रत्तसुमद्दाए अहिड्डियाए सुवण्णगुलियाए किन्नीए सुरूवविज्जुमतीए रोहणीए य अण्णेसु य एवमादिएसु बहवो महिलाकएसु सुव्वंति अडक्कंता संगामा गामधम्ममूला इहलोए ताव नद्धा परलोए वि य नद्धा महयामोहतिमिसंधकारे घोरे तसथावर-सुहुमबादरेसु पज्जत्तमपज्जत्तक-साहारणसरीर-पतेयसरी-रेसु य अंडज-पोतज-जराउय-रसज-संसेईम-संमुच्छिम-उब्भिय-उववाइएसु य नरग-तिरिय-देव-माणुसेसु जरा-मरण-रोग-सोग-बहुले पलिओवम-सागरोवमाइं अणादीयं अणवदग्गं दीहमच्छं चाउरंतं संसारकंतरं अनुपरियइंति जीवा मोहवससण्णिविद्धा एसो सो अंबस्स फलविवागो इह-लोइओ पारलोइओ य अप्पसुहो बहुदुक्खो महत्थमओ बहुराण्णगाढो दारुणो कक्कसो असाओ वाससहस्सेहिं मुच्चती न य अवेदयित्ता अत्थि हु मोक्खोति-एवमाहंसु नायकुत्तनंदणो महप्पा जिणो उ वीरवरनामधेओ कहेसी य अंबंभस्स फलविवागं एयं तं अंबंभंति चउत्थं सदेवमणुया-सुरस्स

लोगस्य पत्यणिज्जं एवं चिरपरिचियमणुगयं दुरंतं चउत्त्यं अघम्मदारं समत्तं ति बेमि 19६1-18

● पट्ठे सुयस्कंधे वउत्त्यं अश्वयुज्यं वउत्त्यं आसव दारं समत्तं ●

—: पं च मं अ अय य पं—पं च यं आ स ब दारं :—

(२१) जंबू एतो परिग्गहो पंचमो उ नियमा-नाणामणि-कणग-रयण-महरिह-परिमल-सपुत्तदार-परिजण-दासी-दास-भयग-पेस-हय-गय-गो-महिस्स-उट्ट-खर-अय-गवेलग-सीया-सगड-रह-जाप्प-जुण-संदण-स्यणसण-वाहण-कुविय-धण - धण्ण - पाण - भोयप्प-अच्छायण-गंध-मल्ल-भायण-मवणविहिं चैव बहुविहीयं भरहं नग-नगर-नियम-जणवय-पुरवर-दोणमुह-खेड-कब्बड-मडंब-संबाह-पट्टण-सहस्समंडियं थिमियमेइणीयं एगच्छत्तं ससागरं मुंजिऊण वसुहं अपरिमिय-मणंततणहमणुगय-महिच्छसार-निरयमूलो लोभकलिकसाय-महक्खंधो चिंतासयनिचियविपुल-सालो गारव-पविरल्लियग्गविडवो नियडि-तयापत्तपल्लवधरो पुष्फफलं जस्स कामभोगा आया-सविसूरणाकलह-पंकपियग्गसिहरो नरवतिसंपूजितो बहुजणस्स हियदइओ इमस्स मोक्खवर-मोत्तिमग्गस्स पलिहभूओ चरिमं अहम्मदारं 19७1-17

(२२) तस्स य नामाणि गोष्णाणि होति तीसं तं जहा-परिग्गहो संवयो चयो उवचयो निहाणं संभारो संकरो आयरो पिंडो दव्वसारो तहा महिच्छा पडिबंधो लोहप्पा महदी उवकरणं संरक्खणा य मारो संपायुप्पायको कलिकरंडो पवित्तरो अणत्थो संयवो अगुत्ती आयासो अविओगो अनुत्ती तण्हा अणत्थको आसत्ती असंतोसो ति अवि य तस्स एयाणि एवमादीणि नामधेज्जाणि 19८1-18

(२३) तं च पुण परिग्गहं ममायंति लोभधत्था भवनवरदिमाणवासिणो परिग्गहकृयी परिग्गहे विविहकरणबुद्धी देवनिकाया य-असुर-भुयग-गरुल-विज्जु-जलण-दीव-उदहि-दिसि-पवण-धणिय-अणवणिय-पणवणिय-इसिवाइय-भूतवाइय-कंदिय-महाकंदिय-कुहंड-पतगदेवा पिसाय-भूय-जक्ख-रक्खस-किन्नर-किंपुरिस-महोरग-गंधव्या य तिरियवासी पंचविहा जोइसिया य देवा-बहस्सती-चंद-सूर-सुकक-सनिच्छा राहु-धूमकेउ बुधा य अंगारका य तत्ततवणिज्जकणग-वण्णा जे य गहा जोइसम्मि चारं चरंति केऊ य गतिरतीया अड्ढवीसतिविहा य नक्खत्तदेवगणा नाणासंठाणसंठियाओ य तारगाओ ठियलेस्सा चारिणो य अविस्साम-मंडलगती उवरिचरा उड्ढलोगवासी दुविहा वेमाणिया य देवा-सोहम्मीसाण-सणंकुमार-माहिंद-बंभलोग-तंतक-महासु-कूक-सहस्सार-आणय-पाणय-आरणच्चुय-कप्पवरदिमाण-वासिणो सुरगणा गेवेज्जा अनुत्तरा य दुविहा कप्पातीया दिमाणयासी महिड्ढिका उत्तमा सुरवरा एवं च ते चउव्विहा सपरिसा वि देवा ममायंति भवण-वाहण-जाण-विमाण-स्यणासणाणि य नाणाविहवत्थमूसणाणि य पवरपहरणाणि य नाणामणिपंच-वण्णदिव्वं च भायणविहिं नाणाविह-कामरूव-वेउव्विय-अच्छरणसंघाते दीवसमुद्दे दिसाओ चेतियाणि वणसंडे पच्चते गामनगराणि य आरामुज्जाण-काननाणि य कूव-सर-तलाग-वावि-दीहिं-देवकुल-सभ-प्पव-वसहिमाइयाइं बहुकाइं कित्तणाणि य परिगेष्णित्ता परिग्गहं विपुलदव्वसारं देवावि सइंदगा न तित्ति न तुड्ढिं उवलभंति उच्चंत-विपुल-लोभाभिभूतसन्ना वासहर-इसुगार-वट्टपव्वय-कुंडल-रुयगवर-माणुसुत्तर-कालोदधि-लवण-सलिलदगपति-रतिकर-अंजणकसेल-दहिमुहओवातुप्पाय-कंचणक-चित्त-विचित्त-जमक-वरसिहरि-कूडवासी क्वखार-अकम्मयभूमीसु सुविभत्तभागदेसासु कम्मभूमिसु जेऽवि य नरा चउरंतचक्कवट्टी बासुदेवा बल-देवा इस्सरा तलवरा सेणावती इत्था सेट्टी रड्ढिया पुरोहिंया कुमार दंडणायमा माडंबिया सत्थवाहा

कोडुंविया अमद्या एए अण्णे य एवमादी परिगहं संचिणांति अनंतं असरणं दुरंतं अधुवमणिद्धं-असासयं पायकम्मनेमं अवकिरियव्वं विणासमूलं बहबंधपरिकिलेसबहुसं अनंतसंकिलेकरणं ते णं धण-कणग-रयण-निचयं पिंडिता चैव लोभ धत्या संसारं अतिवयंति सब्बदुक्ख-संनिलयणं परिगहस्सेव य अद्वाए सिप्पसयं सिक्खए बहुजणो कलाओ य बावत्तरिं सुनिपुणाओ तेहाइयाओ सउणरुथावसाणाओ गणियप्पहाणाओ चउसद्धिं च महिलागुणे रतिजण्णे सिप्पसेवं असि-मसि-किसी-वाणिज्जं ववहारं अत्यसत्य-ईसत्य-च्छरुप्पगयं विविहाओ य जोगजुंजणाओ य अण्णेमु एवमादिएसु बहुसु कारणएसु जावजीवं नडिज्जए संचिणांति मंदबुद्धी परिगहस्सेव य अद्वाए करंति पाणाण बहकरणं अलियनिवडि-साइ-संपओगे परदव्व-अभिजा सपरदारगमणसेवणाए आयास-विसूरणं कलह-भंडण-वेराणि य अवमाण-विमाणणाओ इच्छ-महिच्छ-पिवास-सततति-सिया तणह-मेहि-त्तोभ-धत्या अत्ताण-अणिग्गहिया करंति कोहमाणमायालोभे अकिरणिज्जे परि-गहे चैव होतिं निवमा सल्ला दंडा य गारवा य कसाय-सण्णा य कामगुण-अण्हा य ईदियलेसाओ सयण-संपओगा सचित्ताचित्तमीसागाइं दव्वाइं अनंतकाइं इच्छंति परिधेत्तुं सदेवमणुयासुरम्मि लोए लोभपरिगहो जिणवरोहिं भणिओ नत्थि एरिसो पासो पडियंधो सब्बजीवाणं सब्बलोए ॥१९१॥-१९

(२४) परलोगम्भि य नद्धा तमं पविद्धा महया मोहमोहियमती तिभिसंधकारे तसथावर-सुहुमथादरेसु पज्जत्तमपज्जत्तग-एवं जाव परियट्ठंति जीवा मोहवसण्णिविद्धा एसो सो परिगहस्स फलविवाओ इहलोइओ पारलोइओ अप्पसुहो बहुदुक्खो महम्मओ बहुरयप्पगादो दाणो कक्क-सो असाओ धाससहस्सेहिं पुच्चई न य वेदयित्ता अत्थि हु मोक्खोत्ति-एवमाहंसु नायकुलनदणो पहप्पा जिणो उ वीरवरनामधेज्जो क्खेसी य परिगहस्स फलविवागं एसो सो परिगहो पंचमो उ निवमा-नाणामणि-कणग-रयण-महरिह एवं जाव इमस्स मोक्खवर-मोत्तिमागस्स फलिहभूयो चरिमं अधम्मदारं समत्तं ॥२०॥-२०

- | | | |
|------|--|--------|
| (२५) | एएहिं पंचहिं असंवरोहिं रयमादिणित्तु अनुसमयं
चउव्विहगतिपरंतं अनुपरियट्ठंति संसारं | ॥४१॥-१ |
| (२६) | सव्वगई-पक्खंदे कार्हेति अनंतए अकयपुण्णा
जे य णं सुणंति धम्मं सोऊण य जे पमायंति | ॥५१॥-२ |
| (२७) | अनुसिद्धिंपि बहुविहं मिच्छदिद्धी नरा अबुद्धीया
बद्धलनिकाइयकममा सुणंति धम्मं न य करंति | ॥६१॥-३ |
| (२८) | किं सक्का काउं जे जं नेच्छह ओसहं मुहा पाउं
जिणवयणं गुणमहुरं विरेयणं सब्बदुक्खाणं | ॥७१॥-४ |
| (२९) | पंचेव उज्झिऊण पंचेव य रक्खिऊण भावेण
कम्मरय-विष्पमुक्का सिद्धिवरमणुत्तरं जंति | ॥८१॥-५ |

● पढ्मे सुयक्खंधे पंचयं अज्जयणं पंचयं आसव दारं समत्तं ● पढ्मो सुयक्खंधो समत्तो ●

卐 वीअं सुयक्खंधं 卐

—: छ ट्ठं अ ज्ज य णं—प ठ मं सं व र दा रं :-

- | | | |
|------|--|--------|
| (३०) | जंबू एत्तो संवरदाराइं पंच वोच्छामि आणुपुव्वीए
जह भणियाणि भगवया सब्बदुहविमोक्खणद्वाए | ॥९१॥-१ |
|------|--|--------|

- (३१) पदमं होइ अहिंसा बितियं सब्बवयणंति पत्रत्तं
दत्तमणुण्णायसंवरो य बंभचेरमपरिग्गहत्तं च ॥१०॥-२
- (३२) तत्थ पदमं अहिंसा तसथावरसव्वभूयखेमकरी
तीसे सभावणाए किंचि वोच्छं गुणुद्देसं ॥११॥-३

(३३) ताणि उ इमाणि सुव्वय-महव्वयाइ लोकाहिय-सव्वयाइ सुयसागर-देसियाइ तव-संजम-महव्वयाइ सीलगुणवरव्वयाइ सच्चञ्जव्वयाइ नरग-तिरिय-मणुय-देवगति-वियञ्जकाइ सव्वजिणसासणगाइ कम्मरयविदारगाइ भवसयविणासणकाइ दुहसयविमोयणकाइ सुहसयप-वत्तणकाइ कापुरिसदुरुतराइ सप्पुरिसनिसेवियाइ निव्वाणगमणमग्ग-सग्गपणायगाइ संवरदाराइ पंच कहियाणि उ भगवया तत्थ पदमं अहिंसा जा सा सदेवमणुयासुरस्स लोगस्स भवति-दीवो ताणं सरणं गती पइञ्जा निव्वाणं निव्वुइ समाही सत्ती किती कंती रती य विरती य सुयं गतिती दया विमुत्ती खंती समत्ताराहणा महंती बोही बुद्धी धिती समिद्धी रिद्धी विद्धी ठिती पुट्ठी नंदा भद्दा विसुद्धी लद्धी विसिद्धिद्धी कल्लणं मंगलं पमोओ विभूती रक्खा सिद्धावासो अणासवो केवलीणं ठाणं सिव-समिई-सील-संजमो ति य सीलपरिघरो संवरो य गुत्ती ववसाओ उस्सओ य जणो आयतणं जयणमप्पनाओ आसासो वीसासो अमओ सवूस्स वि अमाघाओ चोक्खपविता सुती पूया विमल-पभासा य निम्मलतर ति एवमादीणि निययगुणनिम्मियाइ पञ्जवणामाणि होति अहिंसाए ॥२१॥-२१

(३४) एसा सा भगवती अहिंसा जा सा- भीयाणं पिव सरणं पक्खीणं पिव गयणं तिसियाणंपिव सलिलं खुहियाणं पिव असणं समुद्दमज्जे व पोतवहणं चउप्पचाणं च आसमपयं दुहद्धियाणं व ओसहिंयलं अडवीमज्जे व सत्थगमणं एतो विसिद्धतरिका अहिंसा जा सा- पुढवि-जल-अग्गणि-मारुय-वणप्फइ - बीज - हरित-जलचर-थलचर-खहचर-तस-थावा-सव्वभूय-खेम-करी एसा भगवती अहिंसा जा सा- अपरिमियनाणदंसणधरेहिं सीलगुण-विणय-तव-संजम-नायक्रेहिं तित्थंकरेहिं सव्वजगवच्छलेहिं तिलोगमहिंएहिं जिणवदेहिं सुद्धदिद्धा ओहिजिणंहेहिं विण्णाया उज्जमतीहिं विदिद्धा विपुलमतीहिं विदिता पुव्वधरेहिं अधीता वेउव्वीहिं पतिण्णा आभिण्णोबोहियनाणीहिं सुयनाणीहिं मणपञ्जवनाणीहिं केवलनाणीहिं आमोसहिपत्तेहिं खेले-सहि-पत्तेहिं जल्लोसहिपत्तेहिं विण्योसहिपत्तेहिं सव्वोसहिपत्तेहिं बीजबुद्धीहिं कोडुबुद्धीहिं पदानुसारीहिं संभिण्णसोतेहिं सुयधरेहिं मणबलिंएहिं वयिबलिंएहिं कायबलिंएहिं नाणबलिंएहिं दंसणबलिंएहिं धरित्तबलिंएहिं खीरासवेहिं महुआसवेहिं सप्पिआसवेहिं अक्खीणमहानसिंएहिं चारणेहिं विज्जा-हरेहिं चउत्थभतिंएहिं छट्ठभतिंएहिं अट्ठमभतिंएहिं एवं-दसम-दुवालास-चोइस-सोलस-अट्ठमास-मास-दोमास-चउमास-पंचमास-छम्मासभतिंएहिं उक्खित्तचरंएहिं निकिकत्तचरंएहिं अंतचरंएहिं पंतचरंएहिं लूहचरंएहिं समुदाणचरंएहिं अण्णइलांएहिं मोगचरंएहिं संसट्ठप्पिंएहिं तज्जायसंसट्ठक-प्पिंएहिं उवनिहिंएहिं सुद्धेसणिंएहिं संखादत्तिंएहिं दिट्ठलाभिंएहिं अदिट्ठलाभिंएहिं पुट्ठलाभिंएहिं आयंबलिंएहिं पुरिमडिंएहिं एक्कासणिंएहिं निव्वितिंएहिं मिण्णपिंडवाइंएहिं परिमियपिंडवाइं-एहिं अंताहारेहिं पंताहारेहिं अरसाहारेहिं विरसाहारेहिं लूहाहारेहिं तुच्छाहारेहिं अंतजीवीहिं पंत-जीवीहिं लूहजीवीहिं तुच्छजीवीहिं उवसंतजीवीहिं पसंतजीविं विवित्तजीवीं अक्खी रमहु-सप्पिंएहिं अमज्जमंसासिंएहिं ठाणाइंएहिं पडिमड्डींएहिं ठाणुककडिंएहिं वीरासणिंएहिं नेसज्जिंएहिं डंडाइंएहिं लगंडसाइंएहिं एगपासगेहिं आयावएहिं अप्पाउएहिं अण्णिड्ढमंएहिं अकडूयएहिं

धुतकेसमंसु लोपनखेहिं स्वव्यायपडि- कम्मविष्णुमुक्केहिं समणुचिण्णा सुयधरविदिततत्प-
 कायबुद्धीहिं धीरमतिबुद्धिणो य जेण ते आसीविय-उग्गतेयकप्पा निच्छय-वदसाय-पञ्जक्तकय-
 मतीया निच्चं सज्झायज्झाण-अनुबद्ध- धम्मज्झाणा पंचमहव्वयचरित्तजुत्ता समिता समित्तो
 समित्तपावा छव्विहज्जगवच्छला निच्चमप्प- पत्ता एएहिं अण्णेहिं य जा सा अनुपालिया भगवती इमं
 च पुढवि-दग-अगणि-मारुय-तरुगण-तस-धावर-सव्वभूय-संजमदयड्डयाए सुद्धं उच्छं गवेसियव्वं
 अकतमकारित्तमाणाहूयमणुद्धिं अकीयकडं नवहिं य कोडीहिं सुपरिसुद्धं दसहिं य दोसेहिं विष्ण-
 मुक्कं उग्गमउप्पायणेसणासुद्धं ववगय-चुय-चइय-चत्तदेहं च फासुयं च न निसज्जकहापओय-
 णक्खासुओयणीयं न तिगिच्छा-मंत-मूल-भेसज्जहेउं न लक्खणुप्पया-सुमिण-जोइस-निमित्त-कह-
 कुहकप्पउत्तं नवि इंभणाए नवि रक्खणाते नवि सासणाते नवि इंभण-रक्खण-सासणाते भिक्खं
 गवेसियव्वं नवि वंदणाते नवि माणणाते नवि पूयणाते नवि वंदण-माणण-पूयणाते भिक्खं
 गवेसियव्वं नवि हीलणाते नवि निंदणाते नवि गरहणाते नवि हीलण-निंदण-गरहणाते भिक्खं
 गवेसियव्वं नवि भेसणाते नवि तज्जणाते नवि तालणाते नवि भेसण-तज्जण-तालणाते भिक्खं
 गवेसियव्वं नवि गारवेणं नवि कुहणयाते नवि वणीमयाते नवि गारव-कुहण-वणीमयाते भिक्खं
 गवेसियव्वं नवि मित्तयाए नवि पत्थणाए नवि सेयणाए नवि मित्तत्त-पत्थण-सेवणाते भिक्खं
 गवेसियव्वं अण्णाए अगट्टिए अदुट्टे अदीणे अविमणे अकलुणे अविसाती अपरितंतजोगी जयण-
 घडण-करण-चरिच-विणय-गुण-जोगसंपउत्ते भिक्खू भिक्खेसणाते निरते इमं च सव्वजागजीव-
 रक्खणदचट्टाए पायवणं भगवया सुकहियं अत्तहियं पेष्ठाभाविवं आगमैसिभद्दं सुद्धं नेयाउयं
 अकुडिलं अनुत्तारं सव्वदुक्खपावाणविओसमणं ।२२।-२२

(३५) तस्स इमा पंच भावणाओ पढमस्स ययस्स होति पाणातिवायवेरमणपरिरक्खणड्डयाए
 पढमं ठाणमगुणजोगजुंजण-जुगंतरनिवातियाए दिट्ठीए हरियव्वं कीडपंगं-तस-धावर-दयावरेण
 निच्चं पुष्फ-फल-त्तय-पवाल-कंद-मूलदगमट्टिय-बीज-हरिय-परिवज्जाएणं सम्मं एवं खु सव्वापाणा न
 हीलियव्वा न निदियव्वा न गारहियव्वा न हिंसियव्वा न छिंदियव्वा न मिंदियव्वा न वहेयव्वा न भयं
 दुक्खं च किंचि लब्धा पावेउं जे एवं इरियासमित्तजोगेणं भावितो भवति अंतरप्पा असबलम-
 संकिलिद्ध-निव्वण-चरित्तभावणाए अहिंसए संजए सुसाहू, बितियं-मणेणं पावेणं पावगं अहम्मियं
 दारुणं निस्संसं वह-बंध-परिकिलेसबहुलं भय-मरण-परिकिलेससंकिलिद्धं न कयावि मणेणं पावएणं
 पावगं किंचि वि ज्ञायव्वं एवं मणसमित्तजोगेणं भावितो भवति अंतरप्पा असबलमसंकिलिद्ध-
 निव्वण-चरित्तभावणाए अहिंसए संचए सुसाहू ततियं च-वतीते पावियाते पावगं न किंचि वि
 भासियव्वं एवं वतिसमित्तजोगेणं भावितो भवति अंतरप्पा असबलमसंकिलिद्ध-निव्वण-चरित्त-
 भावणाए अहिंसओ संजओ सुसाहू, चउत्वं-आहारएसणाए सुद्धं उच्छं गवेसियव्वं अण्णाए अगट्टिए
 अदुट्टे अदीणे अविमणे अकलुणे अविसादी अपरितंतजोगी जाव भिक्खचरियं उच्छं धेत्तूण आगते
 गुरुजपास्स पासं गमणागमणातिचार-पडिक्कमण-पडिक्कंते आलीयण-दायणं च दाऊण गुरज-
 णस्स जहोवएसं निरइयारं च अप्पमतो पुणरवि अणेसणाए पयतो पडिक्कमिता पसंत- आसीण-
 सुरुणिसण्णे मुहुत्तमेत्तं च ज्ञाण-सुहजोग-नाण-सज्झाय-गोवियमणे धम्ममणे अविमणे सुहमणे
 भविग्गहमणे समाहिमणे सद्दासंवेगनिज्जरमणे पवयणवच्छलभाविदियमणे उट्टेऊण य पहडुत्तुट्टे
 जहराडुणियं निमंतइत्ता य साहवे भावओ य विइण्णे य गुरुजणेणं उपविट्टे संपमज्जिऊण ससीसं

कायं तथा करतलं अमुच्छिष्टे अगिद्धे अगद्धि ए अग्रहि ए अणज्जोववण्णे अणाइले अलुद्धे अणत्तद्धिते असुरसुरं अचयचवं अहुयमविलंबियं अपरिसाडिं आलोयभायणे जयं पचत्तेणं ववगयसंजोगमणिगालं च विगयधूमं अक्खोवंजण-वणाणुलेवणभूयं संजमजायामायानिमित्तं संजयभारवहणद्वयाए मुंजेजा पामधारणद्वयाए संजए णं समियं एवं आहारस्समित्तजोगेणं भाविओ भवति अंतरप्पा असबलमसंकिलिद्ध-निव्वण-चरित्तभावणाए अहिंसए संजए सुसाहू पंचमणं-पीढ-फलग-सिजा-संधारण-वत्थ-पत्त-कंबल-दंडग-रयहरण-चोलपट्टग-मुहपोत्तिग-पायपुंछणादी एयंपि संजमस्स उवबूहणद्वयाए वाततव-दंसमसगसीय-परिक्खणद्वयाए उवगरणं रागदोसरहियं परिह-रित्थं संजतेणं निच्चं पडिलेहण-पप्फोडण-पमज्जणाए अहो य राओ य अप्पमतेणं होइ समयं निक्खिवियध्वं च निग्घियध्वं च पायणं-भंडोवहि-उवगरणं एवं आयाणभंडनिकखेवणासमि-त्तजोगेणं भाविओ भवति अंतरप्पा असबलमसंकिलिद्ध-निव्वण-चरित्तभावणाए अहिंसए संजते सुसाहू एवं मिणं संवरस्स दारं सम्मं संवरियं होति सुप्पणिहियं इमेहिं पंचहिं वि कारणेहिं मण-वयण-काय-परिक्खएहिं निच्चं आमरणांतं च एस जोगो नेयव्वोधित्तमया मत्तमया अणासवो अकलुसो अच्छिद्धो अपरिसावी असंकिलिद्धो सुद्धो सव्वजिणमणुण्णातो एवं पढमं संवरदारं फासियं पालियं सोहियं तीरियं किट्टियं आराहियं आणाते अणुपालियं भवति एवं नायमुणिणा भगवया पन्नवियं पसिद्धं सिद्धं सिद्धवरसासणमिणं आघवित्तं सुदेसित्तं पसत्थं पढमं संवरदारं समत्तं ।२३।-२३

● बीए सुयक्त्वये छट्ठं अञ्जयणं पढमं संवरदारं समत्तं ●

—: स त्त मं अ ज्ज य णं—बी ये—सं व र दारं :—

(३६) जं वू वित्तियं च सच्चवयणं-सुद्धं सुदयं सिवं सुजायं सुभासियं सुव्वयं सुकहियं सुदिट्ठं सुपत्तिट्ठियं सुपत्तिट्ठिजसं सुसंजमियवयणबुद्धयं सुरवप-नरवसभ-पवर-क्ललयग-सुविहियजण-बहुमयं परमसाहुधम्मचरणं तव-नियम-परिग्गहियं सुगति पढदेसगं च लोगुत्तमं वयमिणं विजाहरगणगमणविज्जाण साहकं सग्गमग्ग सिद्धिपढदेसकं अविताहं तं सच्चं उज्जुयं अकुडिलं भूयत्थं अत्थतो विसुद्धं उज्जोयकरं पभासकं भवति सव्वभावण जीवलोगे अविस्वादि जहत्थमधुरे पच्चक्खं दइवयं व जंतं अच्छेकारकं अवत्थंतरेसु बहुपएसु माणुसाणं सच्चेणं महासमुद्दमज्जे चिद्धंति न निमज्जंति मूढाणिया वि पोया सच्चेण य उदगसंभमंमि वि न बुज्जइ न य मरंति थाहं च ते लभंति सच्चेण य अग्गिसंभमंमि वि न इज्जंति उज्जुगा मणूसा सच्चेणं य तत्ततेल्ल-त्तउय-लोह-सीसकाइं छिवंति धरंति न य इज्जंति मणूसा पव्वयकडकाहिं मुच्चंते न य मरंति सच्चेणं परिग्गहिया असिपंजरगया समराओ वि निइति अणहा य सच्चवादी वहबंधभियोगवेरघोरेहिं पमुच्चंति य अमित्तमज्जाहिं निइति अणहा य सच्चवादी सादेव्वाणि य देवयाओ करंति सच्चवयणे रताणं तं सच्चं भगवं तित्त्यगरुभासियं दसविहं चोहसपुव्वीहिं पाहुडत्थविदित्तं महरिसीण य समयप्पदिण्णं देविद-नरिद-भासियत्थं वेमाणियसाहियं महत्थं मंतोसहिंविज्जासाहणद्वं चारणगण-समण-सिद्धविज्जं मणु-यगणाणं च वंदणिज्जं अमरगणाणं च अच्चणिज्जं असुरगणाणं च पूयणिज्जं अणेगपासंड-परिग्गहियं जं तं लोकम्मि सारभूयं गंभीरतरं महासमुद्दाओ थिरतरगं मेरुपव्वयाओ सोभतरं चंदमंडलाओ दित्तरं सूरमंडलाओ विमलतरं सरयनहयलाओ सुरभितरं गंधमादणाओ जे वि य लोगम्मि अपरिसेसा मंता जोगा जवा य विज्जा य जंभका य अत्थाणि य सत्थाणि य सिक्खाओ य आगमा य सव्वाणि वि ताइं सच्चे पइट्ठियाइं सच्चंमि य संजमस्स उवरोहकारकं किंचि न वत्तव्वं-हिंसा-

सावज्रसंपदतं भेय-विकहकारकं टणत्यवाय-कलहकारकं अणजं अवदाय-विवायसंपदतं वेलबं औजधेज्रबहुलं निलजं लोयगरहणिजं दुददिहं दुस्सुयं दुम्पुणियं अण्णो यवणा परेसु विदानसि मेहा-वी न तंसि धण्णो नसि पियधम्मो न तं कुलीणो नसि दाणपती न तंसि सूरु नसि पडिरूवो न तंसि लद्धो न पंडिओ न बहुस्सुओ न विय तं तवस्सी न र वि परलो गणिच्छियमती ऽसि सव्वकालं जाति-कुल-रूव-वाहि-रोगेण वा दि जं होइ वज्रणिजं दुहिलं उवयारमतिकंतं-एवंविहं सद्यपि न वतत्वं अह केरिसकं पुणाइं सद्यं तु भासिच्चं जं तं दव्वेहिं पज्रवेहिं य गुणेहिं कम्महिं सिपेहिं आगमेहिं य नामक्खया-निवाओवसग्ग-तद्धिय-समास-संधि-पद-हेउ-जोगिय-उणादि-किरिया-विहाण-धातु-सर-विभत्ति-वण्णजुत्तं तिकल्लं दसविहं पि सद्यं जह भणियं तह य कम्पुणा होइ दुवालसविहा होइ भासा वयणं पि य होइ सोलसविहं एवं अरहंतमणुण्णायं समिक्खियं संजएणं कालम्मियं वतत्वं। २४।-२४

(३७) ईमं च अलिय-पिसुण-फरुस-कडुय-चदल-वयण-परिकखणइयाए पावयणं भगवया सुकहियं अत्तहियं पेद्याभाविक्कं आगमेसिभद्वं सुद्धं नेयाउयं अकुडिलं अनुत्तरं सव्वदुक्खपावाण विओसमणं तस्स इमा पंच भावणाओ वितियस्स वयस्स अलियववणवेरमण-परिकखणइयाए पढमं-सोऊणं संवरट्टं परमट्टं सुद्ध जाणिऊण न वेगियं न तुरियं न चवलं न कडुयं न फरुसं न साहसं न य परस्स पीलाकरं सावज्रं सद्यं च हियं च मियं च गाहकं च सुद्धं संगयमकाहलं च समिक्खितं संजतेणं कालम्मियं वतत्वं एवं अनुदीइसमितिजोगेण भाविओ भवति अंतरप्पा संजय-कर-चरण-नयणववणो सूरु सद्यज्रवसंपत्रो वितियं-कोहो णं सेवियव्वो कुद्धो चंडिकिओ मणूसो अलियं मणेज्ज पिसुणं मणेज्ज फरुसं मणेज्ज अलियं पिसुणं फरुसं मणेज्ज कललहं करेज्ज वेरं करेज्ज विकहं करेज्ज कलहं वेरं विकहं करेज्ज सद्यं हणेज्ज सीलं हणेज्ज विनयं हणेज्ज सद्यं सीलं विनयं हणेज्ज वेसो भवेज्ज वत्थुं भवेज्ज गम्भो भवेज्ज वेसो वत्थुं गम्भो भवेज्ज एयं अण्णं च एवमादियं मणेज्ज कोहगि-संपलित्तो तम्हा कोहो न सेवियव्वो एवं खंतीए भाविओ भवति अंतरप्पा संजय-कर-चरण-नयण-ववणो सूरु सद्यज्रवसंपत्रो ततियं-लो भो न सेवियव्वो लुद्धो लोलो मणेज्ज अलियं खोत्तस्स व वत्थुस्स व कएण लुद्धो लोलो मणेज्ज अलियं कितीए व लोभस्स व कएण लुद्धो लोलो मणेज्ज अलियं इइटीए व सोक्खस्स व कएण लुद्धो लोलो मणेज्ज अलियं भत्तस्स व पाणस्स व कएण लुद्धो लोलो मणेज्ज अलियं परीढस्स व फलगस्स व कएण लुद्धो लोलो मणेज्ज अलियं सेज्जाए व संथारकस्स व कएण लुद्धो लोलो मणेज्ज अलियं वत्थस्स व पत्तस्स व कएण लुद्धो लोलो मणेज्ज अलियं कंबलस्स व पायपुंछणस्स व कएण लुद्धो लोलो मणेज्ज अलियं सीसस्स व सिस्सिणीए व कएण अण्णेसु य एवमादिएसु बहुसु कारणतेसु लुद्धो लोलो मणेज्ज अलियं तम्हा लोभो न सेवियव्वो एवं मुत्तीए भाविओ भवति अंतरप्पा संजय-कर-चरण-नयण-ववणो सूरु सद्यज्रवसंपत्रो चउत्थं-न भाइयव्वं भीतं खु भया अइति लहुयं भीतो अवितिज्जओ मणूसो भीतो भूतेहिं व धेपेज्जा भीतो अण्णं पि हु धे-सेज्जा भीतो तव-संजमं पि हु मुएज्जा भीतो य परं न नित्येरेज्जा सप्पुरिसमिसेवियं च मणं भीतो न समत्थो अनुवरिटं तम्हा न भाइयव्वं भयस्स वा वाहिस्स वा रोगस्स वा जराए वा मच्चुस्स वा अण्णस्स व एवमादियस्स एवं धेजेणं भाविओ भवति अंतरप्पा संजय-कर-चरण-नयण-ववणो सूरु सद्यज्रवसंपत्रो पंचमकं-हासं न सेवियव्वं अलियाइं असंतकाइं जंपति हासइता परपरिभवकारणं च हासं परपरियायपियं च हासं परपीलाकारणं च हासं भेदविमुत्तिकारकं च हासं अण्णोण्णजणियं च होज्ज हासं अण्णोण्णगमणं च होज्ज मम्मं अण्णोण्णगमणं च होज्ज कम्मं कंदप्पाभिओगगमणं च होज्ज

हासं आसुरियं किञ्चिसत्तं च जणेज्ज हासं तन्हा हासं न सेवियव्वं एवं मोणेण भाविओ भवइ अंतरप्पा संजय-कर-चरण-नयण-वणो सूरुो सच्चञ्चवसंप्पणो एवमिणं संवरस्स दारं सम्मं संवरियं होइसुप्पणि-हियं इमेहि पंचहिं वि कारणेहिं मण-वयण-काय-परिरक्खिण्हिं निच्चं आमरणंतं च एस जोगो नेयव्वो चित्तमया मत्तमया अणासवो अकलुसो अच्छिदो अपरिस्सावी असकिलिद्वो सुद्धो सच्चजि-णमणुण्णाओ एवं वितियं संवरदारं जहा पढमं जाव समतं ति येमि ।२५।-25

● बीए सुयक्खंधे सत्तमं अञ्जयणं-बीयं संवरदार सवत्तं ●

—: अ इ मं अ ञ्ज य णं—त इ यं सं व र दारं :—

(१८) जंबू दत्ताणुण्णायसंवरो नाम होति ततियं-सुव्वतं महव्वतं गुणव्वतं परदव्वहरण-पडिविरइकरणजुत्तं अपरिमियमणंततण्हामणुण्य - महिच्छ-मणवयणकलुस-आयाणसुनिगहियं गुंसजमियमण-हत्थ-पापनिहुयं निगंथं नेट्टिकं निरुत्तं निरासवं नित्थयं विमुत्तं उत्तमनरवसभ-पवरवलवग-सुविहियजणसंभतं परमसाहुधम्मचरणं जत्य य गामागर-जाव पट्टणासमगयं च किंचि दव्वं मणि-मुत्त-जाव रयणमादिं पडियं पण्हइं विष्णणइं न कप्पति कस्सति कहेउं वा गेण्हिउं वा अहिरण्ण- सुवण्णिक्केणं समलेदुक्कचणेणं अपरिग्गहसंवुडेणं लोमि विहरियववं जं पि य होजा हि दव्वजातं खलगतं खेतगतं रण्णमंतरगतं व किंचि पुप्फ-फल-जाव सककराइं अप्पं वा बहुं वा अणुं वा धूलगं वा न कप्पति ओगगहे अदिण्णमि गिण्हउं जे हणिहणि ओगगहं अनुण्णविय गेण्हियव्वं वज्जेयव्वो य सव्वकालं अचियत्तं घरप्पवेसो अचियत्तभत्तपाणं अचियत्त- पीढ-फलग-जाव उव-करणं परपरिवाओ परस्स दोसो परदव्वएसेणं जं च गेण्हइ परस्स नासेइ जं च सुकायं दाणस्स य अंतरातियं दाणविष्णणासो पेसुनं चैव मच्छरितं च जे वि य पीढ-फलग-जाव उवकरणं असंविभागी असंगहइं तव-वइतेणे य रूवतेणे य आयारे चैव भावतेणे य सद्धकरे झंझकरे कलहकरे वेरकरे विकहकरे असमाहिकारके सया अप्पमाणा भोई सततं अनुबद्धवेरे य निच्चरोसी से तारिसए नाराहए वयमिणं अह केरिसए पुणाइं आराहए वयमिणं जे से उवहि-भत्तपाण-दाण-संगहण-कुसले अच्चंत-बाल-दुव्वल-गिलाण-बुड्ड-खमके पवत्ति-आयरियं-उवञ्जाए सेहे साहम्मिए तवस्सी-कुल-गण-संघ-चेइयट्टे य निज्जरट्टी वेयावच्चं अणिसियं दसविहं बहुविहं करेति न य अचियत्तस्स धरं पविसइ न य अचियत्तस्स गेण्हइ भत्तपाणं न य अचियत्तस्स सेवइ पीढ-फलग-जाव उवकरणं- न य परिवायं परस्स जंपत्ति ण यावि दोसे परस्स गेण्हति परचवएसेणवि न किंचि गेण्हति न य विपरिणायेति कंचि जणं न यावि नासेति दिण्ण-सुकयं दाऊण य काऊण य न होइ पच्छाताविए संविभागसीले संग-होवगगहकुसले से तारिसए आराहए वयमिणं इमं च परदव्वहरणवेरण-परिक्खणइयाए पावयणं भगवया सुकहियं अत्तहियं पेच्चाभाविकं आगमैसिभदं सुद्धं नेयाउयं अकुडिलं अनुत्तरं सव्वदुक्ख-पावाण विओसमणं तस्स इमा पंच भावणा ततियस्सवत्तस्स होति परदव्वहरणवेरण-परि-क्खणइयाए पढमं-देवकुल-सभ-प्पावा-आवसह - रुक्खमूल - आराम - कंदरा-आगर-गिरि-गुह-कम्मंत-उज्जाण-जाणसाल-कुवित-साल-मंडव-सुण्णघर-सुसाण-लेण-आवणे अण्णमि य एवमादि-यमि दगमट्टि-चीज-हरित-त्तसपाण-असंसत्ते अहाकडे फासुए विविते पसत्थे उवस्सए होइ विहरियव्वं आहाकम्मं-वहुले य जे से आसित्त-संमज्जिओसित्त-सोहिय-छायण-दुमण-लिंपण-अनुलिंपण-जलण-भंड्यालण अंतो बहिं च असंजमो जत्य यइती संजयाण अट्टा वज्जेयव्वे हु उवस्सए से तारिसए सुत्तपडिक्कुट्टे एवं विवित्तवासवसहिसमित्तजोगेणं भावितो भवति अंतरप्पा निच्चं अहिकरण-करण-

कारावण-पावकम्भविरते दत्ताणुण्णाय-ओग्गहरुई, वितियं-आरामुञ्जाण-काननवणप्पदेसभागे जं किंचि इक्कळं थ कट्टिणं वल जंतुगं व परा-मेरा-कुच्च-कुस-डम्भ-पल्लाल-मूयग-वल्लय-पुण्य-फल-तय-प्पवाल-कंद-मूल-तण-कड्ड-सक्कराई गेण्हइ सेज्जोवहिस्स अट्ठा न कप्पए ओग्गहे अदिन्निंमि गेण्हिउं जे हणिहणि ओग्गहं अनुण्णविय गेण्हियव्वं एवं ओग्गहसमित्तियोगेण भावितो भवति अंतरप्पा निच्चं जाव ओग्गहरुई ततियं-पीढ-फलग-सेज्जा-संधारगट्ठयाए रुक्खा न छिंदियव्वा न य छेदणेण भेयणेण य सेज्जा कारेयव्वा जस्सेव उवस्सए वसेज्ज सेज्जं तत्थेव गवेसेज्जा न य विसमं समं करेज्जा न निवाय-पवाय-उत्सुकत्तं उ डंसमसगेसु खुभियव्वं अग्गी धूमो य न कायव्वो एवं संजमवहुले संवरवहुले संवुडवहुले समाहिबहुले धीरे काएण फासयंते सययं अज्झप्पञ्जाणजुते समिए एगे चरेज्ज धम्मं एवं सेज्जासमित्तियोगेण भावितो भवति अंतरप्पा जाव ओग्गहरुई, चउत्थं-साहारणपिंडपातलाभे भोत्तव्वं संजएणं सभियं न सायसूयाहिकं न खट्ठं न वेइयं न तुरियं न चवलं न साहसं न य परस्स पीलाकरं सावज्जं तह भोत्तव्वं जह से ततियवयं न सीदति साहारणपिंडवायलाभे सुहुमं अदिन्नादाणवय-नियम-वेरमणं एवं साहारणपिंडवायलाभे समित्तियोगेण भावितो भवति अंतरप्पा जाव ओग्गहरुती, पंचमगं-साहम्मिएसु विणओ पउंजियव्वो उवकारण-पारणासु विणओ पउंजियव्वो वायण-परियट्ठणासु विणओ पउंजियव्वो दाण-गहण-पुच्छणासु विणओ पउंजियव्वो निक्खमण-पवेसणासु विणओ पउंजियव्वो अण्णेसु य एवमाईएसु बहुसु कारणएसु विणओ पउंजियव्वो विणओ वि तवो तवो वि धम्मो तन्हा विणओ पउंजियव्वो गुरुसु साहसु तवस्सीसु य एवं विणएण भाविओ भवति अंतरप्पा जाव ओग्गहरुई एवमिणं संवरस्स दारं सम्पं संवरियं होइ सुपणिहियं इमेहिं पंचहिं वि कारणेहिं मण-वयण-काय-परिकिञ्चएहिं निच्चं आमरणत्तं च एस जोगो नेयव्वो धित्तियमया मत्तियमया अणासवो अकलुसो अच्छिद्धो अपरिस्सावी असंकिलिद्धो सुद्धो सव्वजिणमणुण्णाओ एवं ततियं संवरदारं जहा पढमं जाव समत्तं ति बेमि । २६।-26

● वीए सुयक्खंथे अट्ठमंअज्जयणं-तट्ठयं संवर दारं समत्तं ●

-: न व र्म अ ज्ज य णं-च उ त्थं सं व र दारं :-

(३९) जंबू एत्तो य बंधचेरं-उत्तम-तव-नियम-नाण-दंसण-चरित्त-समत्त-विणयमूलं जम-नियम-गुणप्पहाणजुत्तं हिमवंत-महंत-तेयमत्तं पसत्थ-गंभीर-धिमित्त-मज्झं अज्जवसाहुजणाचरित्तं मोक्खमगं विसुद्ध-सिद्धिगति-निलयं सासयमव्वादाहमपुण्णभवं पसत्थं सोमं सुभं सिवमचल-मक्खयकरं जतिवर-सारक्खियं सुचरियं सुसाहियं नवरि मुणिवरेहिं महापुरिस-धीर-सूर-धम्मिय-धित्तित्तंताण य सया विसुद्धं भव्वं भव्वजणाणुचिण्णं निस्संक्रियं निक्कमयं नित्तुसं निरायासं निरुवलेवं निव्वुत्तिधरं नियम-निप्पकंपं तवसंजममूलदलियं-नेम्मं पंचमहव्वयसुरक्खियं समित्तियुत्तिगुत्तं ज्ञाणवरकवाडसुकयं अज्झप्पविण्णफलहं संगद्धोत्थइय-दुग्गइपहं सुगतिपहदेसगं लोगुत्तमं च वयमिणं पउमसरत्तलागपालिभूयं महासगडअरगतुंबभूयं महाविडिमरुक्खक्खंधभूयं महानगरपा-गारकवाडफलहभूयं रज्जुपिणद्धो व इंदकंत्तू विसुद्धणेगगुणसंपिणद्धं जंमि य भग्गंमि होइ सहसा सव्वं संभग्ग-मधिय-चुण्णिय-कुसल्लिय-पल्लइ पडिय-खंडिय-परिसडिय-विणासियं विनयसीलतव-नियमगुणसमूहं तं बंभं-भगवंतं- गहगण-नक्खत्त-तारगणं वा जहा उट्ठपती मणि-मुत्त-सिल-प्पवाल-रत्तरयणागारणं च जहा समुहो वेरुत्तिओ चेव जह मणीणं जह मउडो चेव भूसणाणं वत्थाणं चेव छोमजुयलं अरविदं चेव पुप्फजेट्ठं गोसीसं चेव चंदणाणं हिमवंतो चेव ओसहीणं सीतोदा चेव

नित्रगाणं उदहीसु जहा सयंभुरामणो स्यगवरे चैव मंडलिकपव्याण पवरो एरावण इव कुंजराणं सीहो व जहा मिगाणं पवरो पवकाणं चैव वैष्णुदेवे धरणो जह पत्रगइं दाराथा कष्याणं चैव बंभलोए सभामु य जहा भवे सुहम्मा ठितिसु लवसत्तम व्व पवरा दाणाणं चैव अभयदाणं किमिराओ चैव कंबलाणं संघयवणे चैव वज्जरिसमे संठाणे चैव समचउरंसे ज्ञाणेसु य परमसुककज्जाणं नाणेसु य परमकेवलं तु सिद्धं लेसासु य परमसुककलेस्सा तित्यकरो चैव जह मुणीणं वासेसु जहा महाविदेहे गिरिया चैव मंदरवरे वणेसु जह नंदनवणंपवरंदु पेसु जह जंबू सुदंसणा वीसुयजसा-जीसे नामेण य अयं दीवो तुरगवती गयवती रहवती नरयती जह वीसुए चैव राथा रहिए चैव जहा महरहगते एवमाणेगा गुणा अहीणा भवति एककमि बंभचेरे जंमि य आराहियंमि आराहियंयमिणं सव्वं सीलं तवो य विणओ य संजमो य खंती गुत्ती मुत्ती तहेव इहलोइय-भारलोइय-जसो य किती य पच्चओ य तम्हा निहुएणं बंभचेरं चरियव्वं सव्वओ विसुद्धं जावज्जीवाए जाव सेयद्वि संजओत्ति-एवं भणियं वयं भगवयातं च इमं । २७-१-२७-१

(४०) पंचमहव्वय-सुव्वयमूलं समणमणाइलसाहुसुचिणं
वेरविरामण-पञ्जवसाणं सव्वसमुद्द-महोदधितित्थं ॥१२॥-१

(४१) तित्थकरेहि सुदेसियमगं नरयतिरिच्छदिवज्जियमगं
सव्वपवित्त-सुनिम्मियसारं सिद्धिविमाण-अवंगुयदारं ॥१३॥-२

(४२) देवनरिंदनमंसियपूयं सव्वजगुत्तममंगलमगं
दुद्धरिसं गुणनायगमेक्कं मोक्खपहस्स विसकभूयं ॥१४॥-३

(४३) जेण सुद्धचरिएण भवइ सुवंभणो सुसमणो सुसाहू स इत्ती स मुणी स संजए स एव भिकखू जो सुद्धं चरित बंभचेरं इमं च रति-राग-दोस-मोह-पवइद्वणकरं किंमज्झ-पमायदोस-पासत्यसीलकरणं अब्भंगणाणि य तेज्जमज्जणाणि य अभिक्खणं कक्खसीसकरचरणवदण-धोवण-संवाहण-गायकम्म-परिमदण-अनुलेवण-चुण्णवास-धूवण-सरीरपरिमंडण-बाउसिक-हसिय-भणिय-नट्टगीयवाइयनडनट्टकजल्लमहल्लपेच्छण-वेल्लक्क जाणि य सिंकारागराणि य अण्णाणि य एवमादियाणि तव-संजम-बंभचेर-घातोवघातियाइं अनुचरमाणेणं बंभचेरं वज्जेयव्वाइं सव्वकालं भावेयव्वो भवइ य अंतरप्पा इमेहिं तव-नियम-सील-ओगेहिं निच्चकालं किं ते-अण्हाणक-उदंत-धोयण-सेयमलजल्लधारण-मूणवय-केसलोय-खम-दम-अचेलगा-खुप्पिवास-लाघव-सितो-सिण कट्टेज्ज-भूमिनिसेज्ज-परपरपवेस-लद्धावलद्ध-माणावमाण-निंदण-दंसमसगफास-नियम-तव-गुण-विणयमादिएहिं जहा से थिर तरणं होइ बंभचेरं इमं च अबंभचेरविरमण-परिरक्खणद्वयाए पावयणं भगवया सुकहियं अतहितं पेच्चाभाविकं आगमेसिभइं सुद्धं नेयाउयं अकुडिलं अनुत्तरं सव्वदुक्ख-पावाण दिओसवणं तस्स इमा पंच भावणाओ छउत्त्यवयस्स होति अबंभचेरविरमण परिरक्खण-द्वयाए पढमं-सयणासण-घादुघारअंगण-आगास-गवक्ख-साल-अभिलोयण-पच्छ-वत्युक-पसाहणकण्हाणिकावकासा अयकासा जे य वेसियाणं अचंति य जत्त इत्थिकाओ अभि-क्खणं मोह-दोस-रति-रागवइद्वणीओ कहंति य कहाओ बहुविहाओ ते हु वज्जणिज्जा हत्थिसंसत्त संकि-लिट्ठा अण्णे थि य एवमादी अवकासा ते हु वज्जणिज्जा जत्य मणोविब्भमो धा भंगो वा मंसणा वा अट्टं रुद्धं च होज्ज ज्ञामं तं तं वज्जेज्ज वज्जाभीरु अणायतणं अंतपंतवासी एवमसंसत्तवास-सहीसमितिजो-नेण भावितो भवति अंतरप्पा आरतमण विरयगामधम्मे जित्तेदिए बंभचेरगुत्ते, बित्तियं-नारीजणस्स

मञ्जे कहेयव्वा क्हा-विचिता विब्बोय-विलास-संपउत्ता-हास-सिंगार-त्तोइयकह व्यमोहजणणी न आग्वाह-विवाह-करकहा इत्थीणं वा सुमग-दुब्बमग-कहा चउसड्ढिं च महिला गुणा न वण्ण-देस-जाति-कुल-रूव-नाम-नेवत्थ-परिजणकहव्व इत्थियाणं अण्णावि य एवमादिवाओ क्हाओ सिंगार-कलुणाओ तव-संजम बंधचेर-घातोवधातियाओ अनुचरमाणेण बंधचेरं न कहेयव्वा न सुणेयव्वा न चिंतेयव्वा एवं इत्थीकहविरतिसमित्तजोगेण भावितो जाव थंभचेरगुत्ते, तत्थियं-नारीण हसिय-भणिय-चेट्ठिय-विपेक्खिय-नाइ-विलास-कीलियं विव्वोइय-नट्ट-गीत-वाइय-सरीरसंठाण-वण्ण-कर-चरण-नयण-त्तावण्ण-रूव-जोवण्ण-पयोहर-अधर-वत्थ-अलंकार-भूसणाणि य गुज्झोकासि-याइं अण्णाणि य एवमादियाइं तव-संजम-बंधचेर-घातोवधातियाइं अनुचरमाणेण बंधचेरं न चक्खुसा न मणसा न वयसा पत्थेयव्वाइं पावकम्माइं एवं इत्थीरूवविरतिसमित्तजोगेण जाव बंध-चेरगुत्ते, चउत्थं-पुव्वरय-पुव्वकीलिय-पुव्वसगंथ-गंथ-संधुया जे ते आवाह-विवाह-चोलकेसु य त्थिसु जण्णेसु उस्सवेसु य सिंगारगार-चारुवेसाहिं इत्थीहिं हाव-भाव-पललिय-विक्खेवं-विलास-सालिणीहिं अनुकूलपेम्मिकाहिं सद्धिं अनुभूया सयण-संपओगा उदुहुस-वरकुसुम-सुरभिवंदण-सुगंधिवर-वास-धूव-सुहफरिस-वत्थ-भूसणाणोवदेवा रमणिज्जाओज्ज-गेज्ज-पउरनड-नट्टक-जल्ल-मल्ल-मुट्टिक-वेलंबग-कहग-पवग-त्तासग-आइक्खग-त्तंख-मंख-तूणइल्ल-तुंववीणिय-त्तालायर-पक-रणाणि य बहूणि म्हुसर-गीत-सुस्साइं अण्णाणि य एवमाइयाइं तव-संजम-बंधचेर-घातोव-धातियाइं अनुचरमाणेण बंधचेरं न ताइं समणेणं लब्भा दट्ठं न कहेउं नवि सुमरिउं जे एवं पुव्वर-यपुव्वकीलियविरतिसमित्तजोगेणं जाव बंधचेरगुत्ते पंचमगं-आहारपणीय-निद्ध-भोयण-विदज्जए संजते सुसाहू ववगयखीर-दहि-सप्पि-नचनीय-तेल्ल-गुल-खंड-मच्छंडिक-महु-मज्ज-मंस-खज्जक-विगति-परिचत-क्याहारे न दप्पणं न दहुसो न नितिकं न सायसूपाहिकं न खड्दं तथा भोत्तव्वं जह से जायामाता य भवति न य भवति विब्बमो भंसणा य धम्मस्स एवं पणीयाहारविरतिसमित्तजोगेणं जाव बंधचेरगुत्ते एवमिणं संवरस्स दार सम्मं संवरियं होइ सुप्पणिहितं इमेहिं पंचहिं वि कारणेहिं षण-वयण-काय-परिक्खिएहिं निद्धं आमरणंतं च एस जोगो नेयव्वो धितिमता मत्तिमता अणासवो अकलुसो अच्छिद्धो अपरिस्सावी असंकिलिद्धो सुद्धो सव्वजिणमणुण्णाओ एवं चउत्थं संवरदारं जहा पढमं जाव समत्तं ति वेमि ।२५।-२७

● बीए सुयक्खंधे नवमं अज्जयणं वउत्तं संवर दारं समत्तं ●

—: द स मं अ ज्ज य णं—पं च मं सं व र दारं :—

(४४) जंबू अपरिग्गहो संवुडे य समणे आरंभ-परिग्गहातो विरते विरते कोहमाणमाया-लोभा एगे असंजमे दो चेव राग-दोसा तिण्णि य दंडा गारवा य गुत्तीओ तिण्णि य विराहणाओ चत्तारि कसाया ज्ञाणा सण्णा विकहा तथा य हुंति चउरो पंच य किरियाओ समिति-इंदिय-महव्वयाइं च छज्जीवनिकाया छच्च लेसाओ सत्त भया अट्ट य मया नव चेव य बंधचेरगुत्ती दसप्पकारे य समणधमे एककारस य उवासगाणं बारस य भिक्खुपडिमा किरियठाणा य भूयगामापरमाधम्मिया गाहासोलसया असंजम-अथंभ-नाय-असमाहिठाणा सबला परिसहा सुधगडज्जयण-देव-भावण-उहेस-गुण-पकप्प-पावसुत-मोहणिजे सिद्धातिगुणा य जोगसंगहे सुरिंदा तेतीसा आसातणा विरती-पणिहीसु अविरतीसु य एवमादिसु बहूसु ठाणेसु जिणपसत्थेसु अवितहेसु सासयभावेसु अवद्विएसु संकं कंखं निराकरेता सहहते सासणं भगवतो अणिवाणे अगारये अलुद्धे अमूढमण-वचण-

कायगुते ।२८१-२८

(४५) जो सो धीरवरवयणविरतिपवित्थर-बहुविहम्पकारो सम्मत्तविमुद्धमूलो यितिकंदो विणयवेइओ निग्गततिलोक्कविपुलजसनिचिपीणपीवरसुजातखंधो पंचमहव्वयविसालसालो भावणतयंत-ज्झाण-सुभजोग-नाण-पल्लववरंकुरधरो बहुगुणकुसुमतमिद्धो सीलसुगंधो अणणहय-फलो पुणो य मोक्खवरबीजसारो मंदरगिरि-सिहरचूलिका इव इमस्स मोक्खवर-मोत्तिमग्गस्स सिहरभूओ संवरवरपाववो चरिमं संवरदारं जत्थ न कप्पइ गापागर-जाव पट्टणासमगयं च किच्चिं अप्यं व बहुं व अणुं व थूलं व तस-पावरकाय-दव्वजायं मणसा वि परिधेतु न हिरण्ण-सुवण्ण-खेत-वत्थु न दासी-दास-भयक-पेस-हय-गय-गवेलगं व न जाण-जुग्गसयणासणाइं न छत्तकं न कुंडिया न पाणहा न पेहुण - धीयण - तालियंटका न यावि अय-तउय-तंब-सीसक-कंस-रयत-जातरूव-मणि-मुत्ताधारपुडक-संख-दंतमणि-सिंग-सेल-काय-वइर - चेल-चम्म-पत्ताइं महारिहाइं परस्स अज्झोव-वायलोभजणणाइं परियड्ढिट्ठं गुणवओ न यावि पुष्फ-फल-कंद-मूलादियाइं सणसत्तरसाइं सव्व-धण्णाइं तिहिं वि जोगेहिं परिधेतुं ओसहभेसज्जभोयणद्वाए संजएणं किं कारणं- अपरिमितनाण-दंसणधरेहिं सील गुण-विणय-तव-संजमनायकेहिं तित्थयरेहिं सव्वजग-जीव-वच्छलेहिं तिलोय-महिएहिं जिणवरदिहिं एस जोणी जगणाइं दिट्ठा न कप्पत्ते जोणिसमुच्छेदोत्ति तेणं वज्जंति समणसीहा जंपि य ओदण-कुम्भास-गंज-तप्पण-मंधु-भुज्जिय-पलल-सूप - सककुलि - वेढिम - वरसाक-त्तुण्ण-कोसग-पिंड-सिहरिणि-वट्ट भोयग-खीर-दहि-सप्पि-नव- नीत-तेल्ल-गुड-खड-मच्छंडिय-मधु-मज्ज-मंस-खज्जक वंजणविधिमादिकं पर्णीयं उवस्सए परघरे व रण्णे न कप्पति तंपि सण्णिहिं काऊण सुविहियाणं जंपि य उद्दिट्ठ-ठविय-रचितग-पज्जवजात-पकिण्ण-पाउकरण-पामिच्चं पीसक क्रीयक-डपाहुडं वा जदाणु-पुत्रपगडं सपण-वणीमगइयाए व कयं पच्छाकम्मं पुरेकम्मं नितिकं मक्खियं अतिरितं मोहरं चेव संयगामारहडं मट्टिओवलितं अच्छेज्जं चेव अणीसइं जं तं तिहीसु जण्णेसु ऊससेसु य अंतो व्व बहिं य होज्ज समणइयाए ठवियं हिंसा-सावज्ज-संपउत्तं न कप्पति तंपि य परिधेतुं अह केरिसयं पुणाइ कप्पति जं तं एक्कारसपिंडवायसुद्धं किणण-हण्ण-पयण-कयकारि-याणुमोयण-नवकोडीगहिं सुपरिसुद्धं दसहिं य दोसेहिं विष्पमुक्कं उग्गम-उप्पायणेसणासुद्धं वव-गय-चुय-चइय-चत्तदेहं च फासुयं च ववगयसंजोगमणिगाल विगयधूमं छट्टाण-निमित्तं छक्काय-परिरक्खणद्वा हणिहणि फासुकेणं भिक्खेण वट्टियव्वं जंपि य समणस्स सुविहियस्स उ रोगायंके बहुम्पकारंमि समुप्पण्णे वाताहिक पित्तसिंभाइरित्तकुविय-तहसण्णिवायजाते उदयपत्ते इउज्जल-बल-विउल-तिउल-कक्खड-पगाद-दुक्खे असुभ-कइय-फरुस-चंडफलविवागे महव्वये जीवियंत-करणं सव्वसरीर-परितावणकरे न कप्पति तारिसे वि तह अप्पणो परस्स वा ओसह-भेसज्जं भत्त-पाणं च तंपि सण्णिहिकयं जंपि य समणस्स सुविहियस्स तु पडिग्गहधारिस्स भवति भायण-भंडोवहि उवगरणं पडिग्गहो पायबंधणं पायकेसरिया पायठवणं च पडलाइं तिण्णेव रयत्ताणं च गोच्छओ तिण्णेव य पच्छाका रओहरण-चोतपट्टक-मुहणंतकमादीयं एयं पि य संजमस्स उववूहणइयाए वायावव-दंस-मसग-सीय-परिरक्खणद्वायए उवगरणं रागदोसरहियं परिहरियव्वं संजएण निच्चं पडिलेहण-पप्फोडण-पमज्जणाए अहो य राओ य अप्पमत्तेण होइ सततं निक्खिवियव्वं च गिण्हियव्वं च भायण-भंडोवहि-उवगरणं एवं से संजते विमुत्ते निस्संगे निप्पिरिगहरुई निष्पमे नित्रेह-बंधणे सव्वपाव विरते वासीचंदण-समाणकप्पे सम-तिण-मणि-मुत्त-लेट्टु-कंचण-समे समे य

माणानामाणाए समियए समित-रागदोसे समिए समितीसु सम्पदिडी सभे य जे सव्वपाणभूतेसु से हु समणे सुयधारते उज्जए संजते सुसाहू सारणं सव्वभूयाणं सव्वजगवच्छले सद्भापासके य संसारंते ठिते य संसारसमुच्छिण्णे सततं मराणाणुपारए पारगे य सव्वेसिं संसयाणं पवयणमायाहिं अट्टहिं अट्टकम्मंगंठीविमोयकं अट्टमयमहणे ससमयकुसले य भवति सुह-दुक्ख-निव्वि-सेसे अट्ठितर-बाहिरंमि सया तवोवहाणंमि य सुद्धजुते खंते दंते य हियनिरते ईरियासमिते जाव परिट्ठवणिग्या-समिते मणयुत्ते बड्गुत्ते कायगुत्ते गुत्तिदिए गुत्तबंभयारिं चाई लज्जू धन्ने तवस्सी खंतिखमे जित्तिदिए सोधिए अणियाणे अबहिल्लेस्से अपमे अंकिचणे छिन्नगंधे निरुवलेवे सुविमल-वरकंसभायणं व मुक्कतोए संखे विव निरंगेणे विगय-राग-दोस-मोहे कुम्मी व इंदिएसु गुत्ते जच्चकंचणं व जायरूवे पुक्खरपत्तं व निरुवलेवे चंदो इव सोमभावयाए सूरु व्व दित्तेए अचले जह मंदरे गिरिवरे अक्खोभे सागरो व्व थिमिए पुढीवीए सव्वफाससहे तवसावि य भासारसिच्छन्ने व्व जाततेए जलियहुयासणो विव तेयसा जलंते गोसीसचंदणं पिव सीयले सुगंधे य हरयो वि समियभावे उधसिय सुनिम्मलं व आयंसमंडलतलं पागड्ढमायेण सुद्धभावे सोंडीरे कुंजरे व्व वसभे व्व जायथापे सीहे वा जहा भिगाहिवे होति दुप्पधारिसे सारयसलिलं व सुद्धहियए भारंडे चेव अप्पमत्ते खग्गिविसाणं व एगजाते धाणुं चेव उड्ढकाए सुत्रगारे व्व अप्पडिकम्मे सुत्रागारावणस्संतो निवायसरणप्यदीवज्जाणमिव निष्कपे जहा खुरो चेव एगधारे जहा अही चेव एगदिडी आगासं चेव निरालंबे विहगे विव सव्वओ विष्पमुक्के कय-परनिलये जहा चेव उरए अपडिबद्धे अनिलो व्व जीवो व्व अप्पडिहयगती गामे-गामे एगारायं नगरे-नगरे य पंचरायं दूइजंते य जित्तिदिए जितपरीसहे निब्भए विउ सच्चित्ताचित्त-मीसकंहिं दव्वेहिं विरायं गते संचयतो विरए मुत्ते लहुके निरयकखे जीवियमरणासविष्पमुक्के निस्संधि निव्वणं चरित्तं धीरे काएण फासयंते सततं अज्झप्पझाणजुते निहुए एगे चरेज्ज धम्मं इमं च परिग्गहवेरमण-परिक्खणड्डयाए पायणं भगवया सुकहियं अत्तहियं पेच्चाभाविकं आगमंसेमहं सुद्धं नेयाउयं अकुडिलं अनुतरं सव्वदुक्खपावाण विओसमणं तस्स इमा पंचभावणाओ चरिमस्स वयस्स होंते परिग्गहवेरमण-रक्खणड्डयाए पढमं-सोइंदिएण सोच्चा सद्दाइं पणुण्ण-भद्दागइं किं ते- वरमु-रय-मुइंग-पणव-दहुर-क्कछमि-दीणा-विपंची-वल्हियि-वद्धीसक-सुधोस-नंदि-सूसरपरिवादिणी-वेस-तूणक-पव्वक-तंती-तल-ताल-तुडियानिग्घोस-गीयवाइयाइं नडनट्टक-जल्ल-मल्ल-मुट्टिके-वेलं-वक-कहक-पवक-लासग-आइक्खकलंख-मंख-तूणइल्ल-तुंबवीणिय-तालायर-पकरणाणि य बहूणि महुरस-गीत-सुस्सराइं कंची-मेहला-कलाव-पतरक-पहेरक-पायजालग-घंटिव-खिखिणि-रयणोरुजालय-छुहिय-नेउर-चलणमालिय-कणगनियल-जालग-भूसणसद्दाणि लीलचंक्कम्मणा-णुदीरियाइं तरुणीजणहसिय-भणिय-कलरिभित्त-मंजुलाइं गुणयणाणि य बहूणि महुरजणभा-सियाइं अण्णेसु य एवमादिएसु सद्देसु मुज्झियव्वं न विणिग्घायं आवज्जियव्वं न लुभियव्वं न तुसियव्वं न हसियव्वं न सइं च मइं च तत्थ कुज्जा पुणारवि सोइंदिएण सोच्चा सद्दाइं अमणुण्ण-पावकाइं किं ते-अक्कोस-फरुस-खिसण-अवमाणण-तज्जण-निरुभंछण-जित्तवयण-तासण-उक्कूजिय-रुण्ण-रडिय-कंदिय-निग्घुट्टरसिय-क्कलुणदिलविधाइं अण्णेसु य एवमादिएसु सद्देसु अमणुण्ण-पावएसु न तेसु समणेणं रूसियव्वं न हीलियव्वं न निंदियव्वं न विंसियव्वं न छिंदियव्वं न भिंदियव्वं न वहेयव्वं न दुग्गुंछवत्तिथा व लब्भा उप्पाएउं एवं सोत्तिदियभावणाभावितो भवति अंतरप्पा मणुण्णाऽमणुण्ण-सुब्धि-दुब्धि-रागदोस-पणिहियप्पा साहू मण-वयण-कावगुत्ते संवुडे

पणिहित्तिदिए चरेञ्ज धम्मं बित्तियं-चक्खुइंदिएण पासिय रवाणि मणुण्णाइं भद्दकाइं सचिताऽ-
चित्तमीसकाइं-कट्ठे पोत्थे य चित्तकम्मे लेप्पकम्मे सेले य दंतकम्मे य पंचहिं वण्णेहिं अणेगसंठाणं-
संठियाइं गंधिम-वेट्ठिम-पूरिम-संघातिमाणि य मल्लाइं बहुविहाणि य अरियं नयणमणसुहकराइं
वणसंडे पव्वते य गामागरनगराणि य खुद्दिय-पुक्खराणि - यावी - दीहिय-गुंजालिय-सरसरपंतिय-
सागर-विलपंतिय-खातिय-नदि-सर-तलाग-वप्पिणी फुल्लुप्पल - पउम - परिमंडियाभिरामे अणेगस-
उणगण-भिहुणविचरिए वरमंडव-विविहभ- वण - तोरण - चेतिय - देवकुल-सभप्पवावसह-सुकय-
सयणासण-सीय-रह-सगड-जाणजुग-संदण-नरनारिगणे य सोमपडिरूवदरिसणिजे अलंक्रियवि-
भूसए पुव्वकयत्तवप्पभावसोहग्गसंपउत्ते नड-नट्टग - जल्ल - मल्ल-मुट्ठिय-वेत्तंबग-कहक-पवग-त्ता-
सग-आइक्खग-लंख-मंख-तूणइल्ल-तुंबवीणिय-तालार-पकराणि य बहूणि सुकराणि अण्णेसु य
एवमादिएसु रूवेसु मणुण्ण-भद्दएसु न तेसु समणेण सज्जियव्वं जाव न हसियव्वं न सइं च मइं च तत्थ
कुञ्जा पुणरवि चक्खिदिएण पासिय रूवाइं अमणुण्ण-पावकाइं किं ते -गंडि-कोट्टिक-कुणि-उदरि-
कच्छुल्ल - पइल्ल - कुञ्ज - पंगुल - वामण - अंधिल्लग-एग-चक्खुविणिहय-सप्पिसल्लग-वाहिरोगपीलियं
विगयाणि य मयककलेवराणि सकिमिणकुहियं च दलव्वरासि अण्णेसु य एवमादिएसु अमणुण्ण-
पावतेसु न तेसु समणेणं रूसियव्वं जाव न दुगुंछावतिया य लब्भा उप्पातेउं एवं चक्खिदिद्यभावणा-
भावितो भवति अंतरथा जाव चरेञ्ज धम्मं तत्तियं-धाणिदिएण अग्धाइव गंधाति मणुण्ण-मद्दगाइं
किं ते-जलय-थलय-सरसपुष्पफलपाणभोयण-कोट्ट-तगर-पत्त - चोय - दमणक - मरुय-एत्तारस-
पिककमंसि- गोसीस- सरसचंदण - कम्पूर-त्तवंग-आगठ-कुंकुम-कक्कोल-उसीर-सेयचंदण-सुगंध-
सारंगजुत्तिवरधूववासे उउय-पिंडिम-निहारिम-गंधिएसु अण्णेसु य एवमादिएसु गंधेसु मणुण्ण-
भद्दएसु न तेसु समणेणं सज्जियव्वं जाव न सतिं च मइं च तत्थ कुञ्जा पुणरवि धाणिदिएणं अग्धाइएय
गंधाणि अमणुण्णा - पावकाइं किं ते - अहिमड-अस्समड-हत्थिमडगोमड - विग - सुणग-सियला-
मणुय-मज्जार-सीह-दीविय-मयकुहियविणट्टकिविण-बहुदुर- भिगंधेसु अण्णेसु य एवमादिएसु
गंधेसु अमणुण्ण-पावएसु न तेसु समणेण रूसियव्वं न हीलियव्वं जाव पणिहिदिए चरेञ्ज धम्मं
चउत्थ-जिब्भिदिएण साइए रसाणि उ मणुण्ण भद्दकाइं किं ते -उग्गाहिम-विविहपाण-भोयण-
गुलकय-खंकय-तेल्लधयकय-भक्खेसु बहु- विहेसु लवणरससंजुत्तेसु महु-मंस-बहुप्पगारमज्जिय-
निट्ठाणग-दालियंव-सेहंब-दुद्ध दहिसरय-मज्ज-वरचारुणी-सीहु काविसायणक-साकट्टारस-बहुप्प-
गारेसु भोयणेसु य मणुण्णवण्ण-गंध-रस-फास-बहुदव्वसंभितेसु अण्णेसु य एवमादिएसु रसेसु
मणुण्णभद्दएसु न तेसु समणेणं जाव न सइं च मइं च तत्थ कुञ्जा पुणरवि जिब्भिदिएण सायिय रसातिं
अमणुण्ण-पावगाइं किं ते-अरस-विरस-सीय-लुक्ख-निज्जप्प-पाण-भोयणाइं दोसीण-वावण्ण-
कुहिय-पूइय-अमणुण्ण-विणट्ट-पसूय-बहु -दुब्धिगंधियाइं तित्त-कडुय-कसाय-अंबिल-रस-लिंड-
नीरसाइं अण्णेसु य एवमाइएसु रसेसु अमणुण्ण पावएसु न तेसु समणेण रूसियव्वं जाव चरेञ्ज धम्मं,
पंचमयं-फासिदिएण फासिय फासायइ मणुण्ण-भद्दकाइं किं ते-दगमंडव-हार-सेयचंदण-सीयल-
विमलजल-विविहकुसुमसत्थर-ओसीर-मुत्तिय-मुणाल दोसिणा पेहुणउ- क्खेवग-तालियंत-बीय-
गण-जणियसुहसीयले य पवणे गिक्काले सुहफासणि य बहूणि सयणाणि आसणाणि य
पाउरणगुणे य सिसिरकाले अंगार-पतावणा य आयव-निद्ध-मउच-सीय-उसिण-लुहय य जे
अदुसुहफासा अंगसुह-निव्वुइकराते अण्णेसु य एवमादिएसु फासेसु मणुण्णभद्दएसु न तेसु समणेण

सञ्जियव्वं न रञ्जियव्वं जाव न हसियव्वं न सतिं च मतिं च तत्थ कुञ्जा पुणरवि फासिंदिएणं फासिय फासातिं अमणुण्ण-पावकाइं किं ते - अणेगबंध-वह-तालणंकण-अतिमारा- रोहणए अंगमंजण-सुईनखप्पवेस-गाय-पच्छणण-लकखारस-खारतेल्ल-कत्तकलतउ-सीसक-काल- लोहसिंचण-हडिबंधण-रञ्जु-निगल-संकल-हत्यंडुय-कुंभिपाक-दहण-सीहपुच्छण - उव्वंधण-सूभेय-गयवलपण-कर-चरणकण्णनासोड्डीसीसछेयण - जिब्भंछण-वसणनयणहिययंत-दंतभंजण-जोत्तल- यकसप्पहार - पादपण्हिजाणुपत्थरनिवाय-पीलण-कविकच्छु-अगणि-विच्छुयडक्क-वायात- वंदसमसकनिवाते दुट्ठणिसेज्जा दुनिसीहिया कक्खड-गुरु-सीय-उसिण-लुक्खेसु बहुविहेसु अण्णेसु य एवमाइएसु फासेसु अमणुण्ण-पावकेसु न तेसु समणेणं रूसियव्वं न हीलियव्वं जाव न दुगुंछवत्तियं च लब्भा उपाएउं एवं फासिंदियभावणाभावितो भवति अंतरप्पा मणुण्णामणुण्ण-सुब्धि-दुब्धि-रागदोस-पणिहियप्पा साहू मणवयण-कायगुत्तसंबुडे पणिहितिंदिए चरेज्ज धम्मं एवमिणं संवरस्स दारं सम्मं संवरियं होइ सुप्पणिहियं इमेहिं पंचहिंवि कारणेहिं मण-वणय-कायपरिरक्खिएहिं निछं आमरणंतं च एस जो-गो नेयव्वो धितिमया मतिमया अणावसो अकलुसो अच्छिंदो अपरिस्सावी असंकिलिदो सुद्धो सव्वजिणमणुण्णातो एवं पंचमं संवरदारं जहा पट्ठमं जाव समत्तं ति वेमि।२९-१।-२७-१

● बीए सुयक्खंधे दसमं अन्धयणं पंचमं संवरदारं समत्तं ●

(४६) एयाइं वयाति पंचवि सुव्वय-महव्वयाइं हेउसय-विवित्त-पुक्कलाइं कहिया अरहंतसासणे पंच समासेणं संवरा वित्तरेण उ पणवीसंतिं समियं-सहिय-संबुडे सया जयण-घडण-सुविसुद्ध-दंसणे एए अनुचरिए संजते चरमसरीरधरे भविस्सतीति।२९।-२७

● बीअं सुयक्खंधे समत्तं ●

(४७) पण्हावागरणं एगो सुयक्खंधो दस अन्धयणा एककसरगा दससु वेव दिवसेसु उद्विसिञ्जंति एगंतरेसु आर्यविलेसु निरुद्धेसु आउत्तभत्तपाणएणं अंगं जहा आयारस्स।३०।-३०

१० पण्हावागरणं समत्तं

दसमं अंगसुत्तं समत्तं


[5]

-: अ-भा-२- प्र-६-१-१० :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] कृदन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चौविशी
 [९] शत्रुञ्जय मक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अत्तिनव उपदेश प्रासाद -१- श्रावक कर्तव्य - १ थी ११
 [१२] अत्तिनव उपदेश प्रासाद -२- श्रावक कर्तव्य - १२ थी १५
 [१३] अत्तिनव उपदेश प्रासाद -३- श्रावक कर्तव्य - १६ थी ३६
 [१४] नवपद-श्रीपाल- [शाश्वती ओणीना व्याख्यान ३५]
 [१५] सभाधिमरण [विधि-सूत्र-पद्य-आराधना- मरणाभेद-संग्रह]
 [१६] चैत्यवन्दनमाणा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानी
 [१९] सिद्धायलनो साथी [आवृत्ति-७]
 [२०] चैत्यपरिपाटी
 [२१] अमदावाद जिनमंदिर उपाश्रय आदि डिरेक्टरी
 [२२] शत्रुञ्जय त्कित [आवृत्ति-७]
 [२३] श्री नवकारभंत्र नवलाभ ज्ञाप नोंधपोथी
 [२४] श्री स्मरित्र पद्य अक्षर कुरोड ज्ञाप नोंधपोथी
 [२५] श्री भारद्वाज पुस्तिका तथा अन्य नियमो [आवृत्ति-चार]
 [२६] अत्तिनव जैन पंचांग- २०४२; [सर्व प्रथम, १३ विभागां]
 [२७] श्री ज्ञानपद्य पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-त्रय]
 [३०] वीतराग स्तुति संयय [११५१-त्माववाही स्तुतिओ]
 [३१] (पूज्य आगमोद्धारकश्रीना समुदायना) कायमी संपर्क स्थलो
 [३२] तत्त्वार्थाधिगमसूत्र अत्तिनवटीका- अध्याय-१
 [३३] तत्त्वार्थाधिगमसूत्र अत्तिनवटीका - अध्याय-२
 [३४] तत्त्वार्थाधिगमसूत्र अत्तिनवटीका- अध्याय-३

[6]

- [३५] तत्त्वार्थाधिगम सूत्र अत्तिनवटीका- अध्याय-४
 [३६] तत्त्वार्थाधिगम सूत्र अत्तिनवटीका- अध्याय-५
 [३७] तत्त्वार्थाधिगम सूत्र अत्तिनवटीका- अध्याय-६
 [३८] तत्त्वार्थाधिगम सूत्र अत्तिनवटीका- अध्याय-७
 [३९] तत्त्वार्थाधिगम सूत्र अत्तिनवटीका- अध्याय-८
 [४०] तत्त्वार्थाधिगम सूत्र अत्तिनवटीका- अध्याय-९
 [४१] तत्त्वार्थाधिगमसूत्र अत्तिनवटीका- अध्याय-१०



[४२] आयारो	[आगमसुत्ताणि-१]	पढमं अंगसुत्तं
[४३] सूयगडो	[आगमसुत्ताणि-२]	वीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	घउत्थं अंगसुत्तं
[४६] विवाहपत्रत्ति	[आगमसुत्ताणि-५]	पंचमं अंगसुत्तं
[४७] नावाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाईवदसाओ	[आगमसुत्ताणि-९]	नवमं अंगसुत्तं
[५१] पणहावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पढमं उवंगसुत्तं
[५४] रायपसेणियं	[आगमसुत्ताणि-१३]	वीअं उवंगसुत्तं
[५५] जीवाजीवाधिगम	[आगमसुत्ताणि-१४]	तइयं उवंगसुत्तं
[५६] पत्रवणा-सुत्त	[आगमसुत्ताणि-१५]	घउत्थं उवंगसुत्तं
[५७] सूरपत्रत्ति	[आगमसुत्ताणि-१६]	पंचमं उवंगसुत्तं
[५८] घंदपत्रत्ति	[आगमसुत्ताणि-१७]	छट्ठं उवंगसुत्तं
[५९] जंबूहीवपत्रत्ति	[आगमसुत्ताणि-१८]	सत्तमं उवंगसुत्तं
[६०] निरवावलियाणं	[आगमसुत्ताणि-१९]	अट्ठमं उवंगसुत्तं
[६१] कण्वडिसवाणं	[आगमसुत्ताणि-२०]	नवमं उवंगसुत्तं
[६२] पुफ्फियाणं	[आगमसुत्ताणि-२१]	दसमं उवंगसुत्तं
[६३] पुफ्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पढमं पईण्णगं
[६६] आउरपच्चक्खाण	[आगमसुत्ताणि-२५]	वीअं पईण्णगं
[६७] महापच्चक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	घउत्थं पईण्णगं

{7}

[૬૯] તંદુલવેપાલિયં	[આગમસુત્તાણિ-૨૮]	પંચમં પર્વણમં
[૭૦] સંધારાગં	[આગમસુત્તાણિ-૨૯]	છટ્ઠં પર્વણમં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્વણમં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણમં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્વણમં
[૭૪] દેવિંદત્થઓ	[આગમસુત્તાણિ-૩૨]	નવમં પર્વણમં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણમં-૧
[૭૬] વીરત્થવ	[આગમસુત્તાણિ-૩૩/૨]	દસમં પર્વણમં-૨
[૭૭] નિસીહ	[આગમસુત્તાણિ-૩૪]	પદ્મમં છેવસુતં
[૭૮] દુહત્ કપ્પો	[આગમસુત્તાણિ-૩૫]	વીઅં છેવસુતં
[૭૯] વચ્છહાર	[આગમસુત્તાણિ-૩૬]	તદ્અં છેવસુતં
[૮૦] દસાસુવક્કલ્લં	[આગમસુત્તાણિ-૩૭]	ચઠત્થં છેવસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેવસુતં-૧
[૮૨] પંચકપ્પભાસ	[આગમસુત્તાણિ-૩૮/૨]	પંચમ છેવસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેવસુતં
[૮૪] આવસ્સયં	[આગમસુત્તાણિ-૪૦]	પદ્મમં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસતં-૨
[૮૭] દસવેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩]	ચઠત્થં મૂલસુતં
[૮૯] નંદીસૂયં	[આગમસુત્તાણિ-૪૪]	પદ્મા ચૂલિયા
[૯૦] અણુઓગદારાદં	[આગમસુત્તાણિ-૪૫]	વિતિયા ચૂલિયા

નોંધ: પ્રકાશન ૧તી ૪૧ અભિનવ શ્વેત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્વેત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગીતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્વેત પ્રકાશન” વડોદરા નો રૂ. ૧૫૦૦/-
ની કિંમતનો પ્રકટ આપીને જ સેટ મેળવી શકશો.

[8]

-: પરિસિદ્ધ-નિદંસણં :-

- ૧ પદમં પરિસિદ્ધં - "વિસયાણુક્રમો"
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન "૪૫-આગમ યુક્ત વિસય કોસ" જેવું.
- ૨- વીયં પરિસિદ્ધં "વિસિદ્ધ સહાણુક્રમો"
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન "૪૫-આગમ વિસિદ્ધ સદ્કોસ" જેવું.
- ૩- તદ્વચં પરિસિદ્ધં- "વિસેસ નામાણુક્રમો"
૪૫-[૪૯] આગમમાં આવતા ખાસ નામો જેવા કે ગોવમ, સોમિલ, ... વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન "૪૫-આગમ વિસેસ નામ કોસ" જેવું.
- ૪- ચરત્યં પરિસિદ્ધં - "ગાહાણુક્રમો"
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન "૪૫-આગમ ગાહાણુક્રમો" જેવું.
- ૫- પંચમં પરિસિદ્ધં "સુત્તાણુક્રમો"
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપમોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ઘંદપન્નતિ સિવાયના આગમો માટે અને પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફંડ (૩) ઋષભદેવ કેસરીમલ પેઠી એ ત્રણ સંસ્થાના પ્રકાશનો જ લીધા છે. - ઘંદ પન્નતિ માટે હસ્ત લિખિત પ્રત લીધેલી છે, - યુક્તકવ્યો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વવહાર, પૂ.મુનિ માણેક સંપાદિત, જીવકવ્યો. પૂ.જીનવિજયજી સંપાદિત છે પહાનિસીહ ની વૃત્તિનથી. દસામુયક્ષંધ ની ચૂંટિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

संस्थ-३ शु.ता.नु.रा.गी श्र.भ.शो.पा.सि.का

श्रीमती नयनाजहेन रमेशचंद्र शाह - परिवार, पडोहरा

प्रस्तुत आगममां मुख्य द्रव्य सहायक

१० श्रीमती दीप्तीबेन सुनीलभाई पटेल ए. नयनाबेन, वीसजेन्गवेस, अमेरिका